

四庫全書

子部

欽定四庫全書

白孔六帖卷七十一

唐白居易原本

宋孔傳續撰

侍中<sub>一</sub>

中書令<sub>二</sub>

尚書令<sub>三</sub>

太師<sub>四</sub>

太傅<sub>五</sub>

太保<sub>六</sub>

太尉<sub>七</sub>

司馬<sub>八</sub>

司徒<sub>九</sub>

司空<sub>十</sub>

門下侍郎 十一

中書侍郎 十二

僕射 十三

樞密 十四

左右丞 十五

侍中 一

白貂蟬之貴金貂之寵

漢書曰侍中以金蟬貂冠也金取堅蟬取潔貂取溫也

舌之司

應璩曰侍中喉舌萬機

珥貂

即貂冠也

佩璽

見漢官

入侍帝帷出

負國璽

侍中

親侍帷幄

山濤爲侍中親侍帷幄

血漚御衣

晉嵇紹爲侍中王師

敗百官皆奔惟紹不去被害于帝側血漚御衣及定左右欲浣之帝曰此嵇侍中血勿令去也

七車

漢武

時張寬為侍中從行車  
第七車有對星之事  
三代漢惠鮪字老孫父子  
七葉

金張之家七  
葉為漢侍中  
鷄鷄漢書侍中皆冠鷄鷄戰國策  
曰秦始皇破趙得以賜侍中  
重席戴

事見講  
論門  
四代晉吳郡陸仲元晉太尉玩曾孫也自玩至  
仲元四代為侍中時人方之金張二族也

密近非應劭漢官儀曰侍中周官也侍中便蕃左右與帝  
降卒思近對拾遺補闕百寮之中莫密於茲也

桑宏羊年十三辟強留侯子張辟強從容諷諫張衡拜  
為侍中馬侍中年十五

居帷內從容諷  
諫拾遺左右  
漢尊儒學選在戴憑晉任忠貞居金貂  
事先嵇紹

之貴孔門下省侍中二人正二品掌出納帝命相禮儀

凡國家之務與中書令參總而顛判省事百官自露布

以上乃審其餘覆奏畫制可而授尚書省

行幸則負寶而從版奏中

嚴外辨還宮則請降輅解嚴皇帝齊則請就齋室將奠則奉玉幣盥則奉匱取盤酌盃水贊洗酌泛齊受虛爵進福酒皆左右其儀饗宗廟進瓚而贊酌鬱酒既裸贊酌醴齊藉田則奉耒四夷朝見則承詔勞問臨軒命使冊皇后太子則承詔降宣命慰問聘召則涖封題發驛遣使則給魚符凡官爵廢置刑政損益授之史官既書復涖其記注職事官六品以下進擬則審其稱否而進退之百官志武德元年改侍內曰

納言三年曰侍中龍朔六年改門下省曰東臺侍中曰

左相武后光宅元年曰納言垂拱元年改門下省爲鸞

臺開元元年曰黃門省侍中曰監天寶元年曰左相

同上

平治尚書省滯訟

魏徵為侍中尚書省滯訟不決者詔徵素不習法但存大體處事

以情人人悅

帝嗟其言

王珪遷侍中它日進見有美人侍帝側本盧江王媛姬也帝指

之曰盧江王不道賊其夫而納其室何有不亡乎珪避席曰陛下以盧江王是耶非耶帝曰殺人而取其妻乃

問朕是非何也對曰臣聞齊桓公之郭問父老曰郭何故亡父老曰以其善善而惡惡也公曰若子之言乃賢

君也何至於亡父老曰不然郭君善善而不能用惡惡而不能去所以亡今陛下知盧江之亡其愆尚在竊為陛下

下以為是審知其非所謂知惡而不去也帝嗟美其言

恐女謁用事大臣陰謀

行

成遷侍中兼刑部尚書晉州地震不息帝問之對曰天陽也君象地陰也臣象君宜動臣宜靜今靜者願動恐

女謁用事大臣陰謀又諸王公主采承起居或伺間隙宜明設防閑且晉陛下奉封應不虛發伏願社未萌帝

然位上褒

實懷貞再遷侍中方太平公主干政傾已附離日視事退輒詣公第刺取所欲睿宗為金

仙正真二公主營觀費鉅萬諫者交疏不止惟懷貞勸成之躬護役作族弟維蓋諫曰公位上褒當恩獻可替

否輔天子而計較尾木雜厠工匠間使海內何所瞻仰乎不答督繕益急傳三十四諸司奏議悉

心糾駁

張文瓘後拜侍中兼太子賓客諸司奏議悉心糾駁故帝委之或時移疾它宰相奏事帝必問

與文瓘議未若不者曰往共籌之或曰已議則皆報可傳三十八

諷獵

魏知古先天中為侍中從獵渭

川獻詩以諷手制褒答并賜物五十段明年封梁國公傳五十一

不可以賞功

張九齡范陽節

度使張守珪以斬突可汗功帝欲以為侍中九齡曰宰相代天治物有其人然後授不可以賞功國家之敗由官邪也帝曰假其名若何對曰名器不可假請出二息

也有如平東北二寇陛下何以加之遂止

**補外**

源乾曜進位侍中建言大臣子并求京職俊又率任外官非平批之道臣三息俱任京師請出二息

補外以示自近始詔曰乾曜身率庶僚以讓既請外其子又復下遺傳不云乎范宣子讓其下皆讓晉國之人

於是大和道之或行仁豈遠哉其令文武官父子昆仲三人在京司者分任于外由是公卿子弟者皆出補列

傳五十二

**賜妓樂奉朝請**

馬燧拜司徒兼侍中賜妓樂奉朝請而已與李晟皆圖像凌煙閣九

年十月自來朝詔無拜時李晟已卒帝顧曰尚記與太尉晟俱來邪今乃獨見公因悲涕燧亦疾而仆帝親掖

之詔左右扶去送至陞遂乞骸

**倚侍中如衡華**

蜀人見繼友請留崇韜鎮蜀從襲寺因言崇韜

有異志繼友謂崇韜曰陛下倚侍中如衡華尊之廟堂之上期以一天下而制四夷必不棄元老於蠻夷之地

此事非予敢知也五代史十四

**賜宸宸台衡二銘**

馬燧事特免十死



求拜侍中璽詔曰項王室不造中宗厥代威孽專亂將  
闕仕搜朕與王公皆幾于難幽求處危思奮翊贊聖儲  
協和義士寢珍元惡國家之復存繫幽求是賴厥庸茂  
馬朕用嘉之雖昨已土宇而賦入未廣昔西漢行封更  
擇多戶東京定賞復增大邑宜加賜實封二百戶子  
子孫孫傳國無絕特免十死銘諸鐵券以傳其功

得

蒲萄不食

陳達叔事  
見蒲萄門

頡利懼而走

楊恭仁投費門侍郎  
尋為涼州總管既加

納言突厥頡利率眾數萬觀其境恭仁應  
機設拒張疑七虛職示之頡利懼而走

諫金塗九鼎

九鼎欲成用黃金塗之納言姚璿曰鼎  
者神器貴在質朴豈侍塗金為符惟耶

請率先百官出

任刺史

張安中則天嘗與宰相臣議及州縣官吏納言李  
嶠等奏曰臣等認膺大任不能使兵革止息倉

府殿盈戶口尚有逋逃官人未免貪濁風夜惶懼不知  
啟處伏思當今要務莫過富國安人富國安人之方要

擇判史竊見朝廷物議莫不重內官輕外職每除授牧伯皆再三披訴比來所遣外任多是貶累之人風俗不澄實由於此臣等請輟近侍率先具察帝嗣立對曰臣以庸愚謬膺獎擢承乏外臺庶當盡節於是帶本官檢校汴州判

### 真宰相

帝安石知納言時二張武三思寵橫安石數折辱之會侍宴殿下易之引

蜀尚宋霸子等博塞后前安石跪奏尚等賤類不當戲殿上顧左右引出坐皆失色后以安石辭正改容慰勉及退告人曰常公真宰相

### 陛下負臣臣不負陛下

遷

侍中帝使祖孝孫以樂律授宮中音家妓不進數被譏與溫彥博同進曰孝孫脩護士陛下使教女樂又責譏之天下其以士為輕乎帝怒曰卿皆我心腹乃附下罔上為人游說邪彥博懼謝罪珪不謝曰臣本事前宮罪當死陛下矜其性命引至樞密責以忠劾今疑臣以私是陛下負臣臣不負陛下帝默然慙遂罷

### 韓宏

以功加

營都統使并兩河元濟平以功加侍中

上書戒

中宗

中宗復位以桓彥範為侍中上書戒帝曰伏見陛下臨朝視政皇后必拖帷殿上預聞政事臣愚謂

古王者謀及婦人皆破國亡身傾軔繼路且以陰承陽違天也以婦凌夫違人也違天不祥違人不義故書曰

北難之晨惟家之索易曰無攸遂在中饋言婦人不得預外政也伏願上以社稷為重令皇后無居正殿干外

朝深居宮掖修陰教以輔佐天子

挺直

安樂公主館第成中宗臨幸宴從官賦詩御史大夫知政事李

日知辛章獨以規戒睿宗他日謂曰嚮時難朕亦不敢諫非公挺直何能爾即拜侍中

焚藁

高儉為侍

中進上詳整允有獻納縉紳皆屬以目奏議未嘗不焚藁家人無見者

甚得大臣體

郝處俊為

侍中自參綜朝政每與上言議必引經籍多所匡益甚得大臣之體以應對舊史

諫廢王后

韓瑗

進侍中兼太子賓客后之廢瑤雪泣言曰皇后乃陛下  
在藩時先帝所娶今無罪輒廢非社稷計不納明日復  
諫曰王者立后配天地象日月匹夫匹婦尚知所擇况  
天子乎詩云赫赫宗周褒姒滅之臣請至此常輟恭太  
息不圖本朝親見此禍宗廟其不血食乎帝大怒詔引  
去出楮遂良貶潭州都督明年瑗上言遂良受先帝顧  
託一德無二向日論事至誠懇切詎肯令陛下後先弁  
而塵史策哉願寬無辜以順衆心帝曰遂良之情朕知  
之矣其悖戾好犯上朕責之詎有過邪瑗曰遂良社稷  
臣蒼蠅黜白傅致有罪昔微子既去商以亡張華不死  
晉不及亂陛下富有四海安於清泰忽驅逐舊臣  
遂不省察乎帝愈不聽瑗憂憤自表歸田里不報

王侍

中在

唐王智與曾自郡賫事赴上都宿邸城逆旅遇店  
婦將產見二人入智與所寢之舍驚曰徐州王侍

中在此又曰所生子後五歲當以金瘡死智與志之及  
至期復過店問婦所生子云近因斧傷已卒矣廣記

中書令 二

白鳳池

晉荀公曾為中書監除尚書令人賀之荀曰奪我鳳凰池諸人反相賀邪

雞樹

中書省有

雞棲樹

專車之貴

晉和嶠為令荀勗為監例同車嶠最邪詭先登車專席而坐不容勗最乃引

俗車監令異車自此始也

隔座之榮

吳錄紀隲為中書令父亮為尚書令每朝會帝以雲母屏風隔

其坐也

丞相之上

應劭注中書令位在丞相之上

儒宗

晉賀循字彥先為中書令時朝廷疑

滯皆詔馬為世儒宗

同處機密

晉陳准為中書令張華為監准與華同處機密而雅崇華每至直月

有詔書無大小取先示華華了不惜意華得詔書不以示准

孔中書省令二人正二

品掌佐天子執大政而總判省事

百官志

凡王言之制有

七一曰冊書二曰制書三曰慰勞制書四曰發敕五曰

敕六曰論事敕書七曰敕牒皆宣署申覆然後行焉

上置降匈奴五原塞

溫彥博為中書令突厥降詔議所以安邊者彥博請如漢置降匈奴

五原塞以為扞敵與魏徵廷爭徵不勝其言天子卒從之後突厥可汗弟結社謀反帝始悔

有決勝

帷幄定社稷功

房玄齡太宗即位為中書令第功班賞以如晦等功第一餘皆以次叙封拜帝

顧羣臣曰朕論公等功定封邑恐不能盡無有諱各為朕言之淮安王神通曰義師起臣兵最先至今玄齡等

以刀筆吏居第一臣未諭帝曰叔父兵誠先至然未嘗躬行陣勞故建德之南兵敗不振今元齡等有決勝惟

帷定社稷功此蕭何所以先諸將也列傳二十

寧藉多人

薛元起帝嘗宴諸王召元起與從容謂曰

任卿中書寧藉多  
人哉俄拜中書令

**猶知門下省**

長孫無忌檢校中書令  
猶知門下省帝欲立昭

儀為后無忌固言不可許敬宗  
勸長孫無忌屬色折拒列傳三十

**改后者請更擇貴姓**

褚遂良高宗將立武昭儀遂良諫曰吾奉違詔若不盡愚  
無以下見先帝遂良曰先帝疾執陛下手語臣曰我兒

與婦今付卿且德音在耳何遽忘之翌日復言對曰必  
欲改后者請更擇貴姓昭儀昔事先帝身接惟第祭天

下耳目何帝羞默遂良因致笏殿階叩頭流血曰遂陸  
下此笏弓歸田里帝大怒引出武后從惟後呼曰何不

撲殺  
**諫立武后**  
來濟遷中書檢校吏部尚書帝將以武  
氏為后濟諫曰王者立后以承宗廟宜

擇禮義名家幽閑令淑者副四海之望稱神祇之意故  
文王與妣闔維之化蒙被百姓其福如彼成帝縱欲以

婢為后重統中徵其  
禍如此惟陛下詳察  
**問馭下所宜**  
來濟帝嘗從容問馭  
下所宜濟曰昔齊桓

公出遊見老人命之食曰請遠天下食遠之表曰請遠天  
下衣公曰吾府庫有限安得而給老人曰春不奪農時即  
有食夏不奪蠶工即有衣由是言之省徭役馭下之宜  
也於時山東使丁歲別數萬人又議取庸以償雇紛然  
煩撓故濟

### 問天與帝異稱

邢文偉為內史后御明堂詔文偉曰天帝一也制曰郊后

稷以配天祀文王於明堂以配上帝奈何而一對曰先儒執論不同吳天及五方總六天帝后曰帝有六則天不同稱固矣  
文偉不能對

### 中書令可一日不見天子乎

王及善留拜內史及善不

甚文而清正自持臨事不可奪有大臣節時二張怙寵  
每侍宴無人臣禮及善數裁抑之后不悅曰卿年高不  
宜侍遊宴但檢校閣中及善即移病餘月后不復問及  
善歎曰中書令可一日不見天子乎遂乞骸骨猶不許  
改文昌左相以中書令執政事筆

裴炎改中書令舊宰相議事門下省號政



事堂長孫無忌以司空房元齡以僕射魏徵以太子太師皆知門下省事至炎以中書令執政事筆故使政事堂於中書省

**自裴度以勲德居而敏中以恩澤進**

白敏中加

中書令自裴度以勲德居而敏中以恩澤進列傳

**獨不詭隨**

蕭至忠為侍中中書令時楚客懷姦

值黨而帝巨源楊再思李嶠務自安無所弭正至忠介其間獨不詭隨時望翕然歸重帝亦曰宰相中至忠最憐我列傳

**中書令幸二負**

嘉貞初嘉貞在兵部而說已為侍郎及昏相說位其下

議論無所諫故說不平說代其處嘉貞銜悔謂人曰中書令幸二負何相迫邪傳五十二

**中書舍人**

**後十年為令**

嘉貞其始為中書舍人崔湜輕之後與議事正出其上湜驚曰此終其座後十年而

為中書令 **校中書令考二十四**

郭子儀以身為天下安危者二十年校中書令考二十四

詔乘輅謁太廟視事尚書省

李晟張延賞當國故與晟有隙密言晟不可持兵帝

感其言貞元三年帝生宣政殿引見晟陪冊禮拜太尉中書令罷其兵詔乘輅謁太廟視事尚書省賜良馬錦

絲千計傳 賜錦袍 魏元忠拜中書令當朝用事羣臣莫

七十九 道上東門賜錦袍給千騎四人侍賜 姚崇遷紫微令 固

銀千兩及還帝為幸白馬寺迎勞之 寶封乃 上事鑿十章 張九齡上事鑿十章辨 令君四俊

張嘉貞所薦苗延嗣負嘉靜呂太一崔訓皆位清 要日與議政事故當時語曰今君四俊苗呂崔負 賜詩

裴度拜中書令上巳宴曲 長得卿在中書 舊史薛元起

江度不赴帝賜詩見詩門 書侍即特承恩遇嘗召入與諸王同預私譙又重其文學政理之才曾謂元起曰長得卿在中書固不藉多人

自舉一人

岑文本不善文辭李靖薦于帝擢中書舍人時  
顏師古為侍郎自武德以來詔誥或大事皆

所草定及得文本號善職而敏速過之或策令叢遽敕  
吏六七人泚筆待分口占授成無遺意師古以譴罷溫  
考博為請帝曰師古練時事長於文語人少違者幸得  
復用朕自舉一人公毋憂乃授文本侍郎即專與機要  
副貳舊史崔沔當官正色未嘗撓汨拜中書侍郎或謂  
沔曰今之中書皆是宰相承宣帝命侍郎即雖是副  
貳但署位而已甚無事也沔曰不然設官分職上下相  
維各申所見為濟理豈可僥倖安而為懷祿士也自  
是每有制敕及曹事沔多所異  
同張說頗不悅出為魏州刺史

尚書令 三

白南宮故事

後漢鄭宏為尚書令前後所有以奇才拜  
補益政者皆著之為南宮故事

擢

後漢張安世字子儒上幸河東亡書一篋安世曰臣識之共作其書後求得亡書相校無遺失以奇才拜

擢尚書令

乞留宿衛

後漢尚書黃香為東郡太守乞留宿衛拜尚書令

送不出郭

陳蕃

字仲舉為豫章守性方儻峻不接賓客徵為尚書令送者不出郭門

問車駕

陳蕃為尚書令魏明帝嘗

陳車駕卒至尚書門蟠跪問曰陛下何之帝曰欲采文書耳蟠曰此臣職分陛下不宜臨臣不稱職請黜退帝

慙而八座

晉百官名尚書令僕射六尚書為八座

獨座

後漢世祖詔尚書令司隸校尉中丞

朝會皆專席而坐京師號為三獨座

孔尚書省尚書令一人正二品掌典

領百官其制有六尚書

百官志三十六

凡上之逮下其制有六

一曰制二曰敕三曰冊四曰令五曰教六曰符下之達

上其制有三一曰關二曰刺三曰移同詔趨詣省視事

郭子儀至自涇陽恩賚崇縵進拜尚書令懇辭不聽詔趨詣省視事百官往慶射生五百騎執戟寵衛子儀確讓且言太宗嘗踐此官故累聖曠而不置皇太子為雍王定闕東乃得授詎可猥私乎臣竊大典云云帝不獲已許之具所讓

改尚書省曰中臺

龍朔二年改尚書省曰中臺廢尚書

令尚書曰太常伯侍郎曰少常伯光宅元年改尚書省曰文昌臺俄曰文昌都省垂拱元年曰都臺長安三年

曰中臺

武德中太宗初為秦王嘗親其職

自是闕不復置

儀形端

揆

唐六

凡庶務

皆會而決之

太師

四

白呂尚

文王得呂尚以為太師成王尊為太師號曰尚父世家三

周公

召公為保周公為師相成

王為左

尊敬

尊敬師傳漢詔曰國之將興尊師重傅

青蓋車

董卓為太師乘青蓋車三

公御史大夫已下皆拜後六十二

靈壽杖

平帝拜孔光為太師每朝賜靈壽杖十日賜食前五十一

冠三公之首

為百揆之儀

教事

師也者教之以事而諭諸德也禮六

蔚為帝師

文周寵元勳任先呂尚

漢崇碩德選在孔光

當至聖之朝

居太師之任

出則有師

禮

問道

帝入太學承師問道大戴禮

天遺

文王卜畋史卜卦曰非熊非羆

天遺汝

布衣足矣

張良曰為萬戶侯帝王師布衣足矣出世家二十五

張禹

以論教

授成帝前

赫赫師尹民具爾瞻

詩

孔子所師法

太師

太保各一人為三師三師天子所師法  
無所總職非其人則闕百官志三十八  
仰為元老馮道周太

祖拜道太師兼中書令道少能嚮行以取稱於世及為  
大臣尤務持重以鎮物事四姓十君益以舊德自處然

當世之士無賢愚皆仰道為元老  
而喜為之稱譽五代史五十四  
唐制置太師以師範一人儀

海型四太師官之極五代後唐天訓導之官唐六典三師

其名即周之三公然非  
道崇重則不居其位  
贈天寶以前唯以其官贈長孫

光庭而  
已通典禎武獲寶教常元貞張說裴

### 太傅五

白周畢周成王即位周公畢禹彪鄭禹鄧彪並為太聽

政

鄧彪為太傅和帝幼百官總已聽  
於彪恩寵之異莫之與比後紀四

橫劍

趙喜為太傅  
皇太子諸生

尊卑無別喜乃橫劍  
正色以正之後十六

絕席

為字伯達遷太傅朝夕進食  
與三公九卿絕席也後三十

賜杖

世祖即位卓茂以德行見求時年  
七十餘拜太傅賜几杖後十五

奪服

奪服以  
母憂自

乞聽以太傅行喪三年詔  
賜牛酒奪服後二十七

嗜鮑魚

賈誼曰丈王使太公  
望傅太子發嗜鮑魚

太公不與丈王曰何以不與公曰禮  
鮑魚不登于俎豈有非禮而養太子哉

王陵

王陵為太  
傅漢書

周寵元勳

任先  
呂尚

漢崇碩德

遜在  
王陵

乘輿

鍾繇事  
見上注

陳蕃

靈帝  
策書

以陳蕃為太  
傅後五十六

臨軒懸樂

見三  
公門

孔傳之德義

通典太傅古  
官注云傅傳

之德  
義也 杜重威

檢校太師  
守太傅



# 太保 六

白召公

召公為保書

贈刀

見三注

賜絹

咸寧二年制故太保王祥司空王基各賜絹五

百匹晉錄云

保也者

慎其身以輔翼之而歸諸道者也禮六

當垂拱之代

居論道之

司輔翼

見上

入則有保

禮闕朝

王祥

自休徵為太保中丞侯光上言祥又疾闕朝會

詔曰太保所毗倚以隆道引理非有司所得議晉三

周寵元勳任先邵奭

晉推碩德遜在

王孔止李順節班見百官

孔緯進兼太保時天武都頭李順節疏暴人也以浙西節

度使兼平章事臺史白已謝當班見百官緯判止之明日順節感服至則無班快快去它日見緯以為言緯曰因疑公見望也且百辟卿士天子廷臣班見宰相以宰相為之長公提天武健兒據堂授禮安乎子欲用之去

都頭乃可順節懸縮  
不敢言列傳八十八  
**竇李謀**天竇以前唯以其官贈  
竇李謀一人而已通典  
**即**

**其家拜**

五代趙光逢以司徒致仕天成  
中即其家拜太保封齊國公

**太尉** 七

**白秦官**

太尉秦官掌  
武事漢書

**掌罰郊社**

太尉掌四方兵事行掌  
罰郊社之事百官志

**張禹在位三世**

忠孝  
彌篤

**牟融典職六年**

勤勞  
不息  
永和五年鄭宏

代鄧彪為太尉舉第五倫為司空每正朝見宏曲躬自卑帝知致靈毋屏風分隔其間後二十三年

**錦被**

朱寵為太尉食脫粟飯布被上賜錦被肉米不取之

**布被**

李固常蓋布被所食麥飯  
**麤飯**司馬

太尉常食麤飯

**厚重**

周勃為太尉為人厚重

**安劉**

高祖曰周勃厚重少文能安劉者必勃也可使

為太尉 貞廉 楊秉貞廉曰我有 四世 楊震秉賜彪 讓位 陳蕃

拜太尉 謙於胡廣王暢等臨朝 歎曰黃憲在吾不敢先佩印綬 漢寵元勳任先周勃 尊

碩德 遜 不通州縣書 王寵而太尉在位非公事不通州 縣書其所辟命皆是海內之長者

父來 張輔為太尉父尚在輔每一遷轉乃一到洛父來 適會正臘公卿罷朝俱賀奉酒上壽極歡人莫不

榮 禮錢 太尉劉虞讓位於羊士靈帝為三公皆輸禮錢 千萬有舉縵袍示之曰臣有唯此而已遂不拜

輸西園 曹嵩靈帝時貨路中官又輸 臨軒懸樂 見上 辭 西園一萬億故位至太尉也

劉寶拜太尉自陳年老固辭 孔唐興太尉惟七人 李德 上不許賜几杖宅一區不朝

功拜太尉進封趙國公德裕固讓言唐興太尉惟七人 尚父子儀乃不敢拜近王智與李不義皆起拜保傅蓋

情重此官裴度為司徒十年亦不遷臣願守舊秩  
足矣帝曰吾恨無官酬公毋固辭列傳一百五

毛髮

森豎

宣宗即位德裕奉冊太極殿帝退謂左右曰向行事近我者非太尉邪每顧我毛髮為森豎即日罷

為檢校司徒荆南節度使

秦王兼之

武德初秦王兼之永徽中無忌為之唐六典注

錄尚書

續漢書曰帝初即位置太尉錄尚書

乘輿上殿

魏華歆事見三公門

司馬

八

白祈父

大司馬見詩傳

睢鳩

傳曰少昊氏以鳥名官睢鳩氏司馬也注云王雅也鷙而有別故命

為司馬以主法制

統六師

尚書司馬統六師平邦國注云夏官柳也主戎馬之事掌國征伐統正六

軍治邦國之亂

田苴立功

史記晏子薦田苴曰文能附衆武能却敵乃為大司馬立大功

景舍

辭賞

景舍為大司馬伐蔡有功楚王賞之舍辭不受

司武

亦司馬名

周用呂尚

大公望為

司漢寵霍光

光為司馬秉政十三年百姓充實

兼領

尚書注云成王之時畢公為三公兼

領司穰苴桓溫

豉為司馬

九法

黃帝時常以為大司馬掌建邦之九法也

周任元

勲

龍崇呂尚

漢推大節

遜在霍光

當歸馬之朝雖云無事

然雖鳩之職用

脩不

均萬人

尚禮司馬掌邦典政以平邦國以正百官以均萬人

司徒

九

白周書薄違農父

農父司徒也薄近也違統也言司徒之職所以親近化擾於兆民以成乎

其教也

父子緇衣

鄭武公父子並為周司徒善於其職國美之為賦緇衣以明有國善善之功

也詩曰緇衣之宜  
兮敝于又改為兮  
祝鳩傳少昊氏以鳥名官祝鳩氏司徒也注云祝鳩孝故司徒也主

教氏  
**掌邦教**書曰司徒掌邦教教五典據兆民注地官也掌五常之教以安人也  
**敬敷五**

教帝曰契百姓不親五品不遜汝  
作司徒敬敷五教在寬云云  
**契為司徒而民成**成民

知五教  
之法  
**六禮**  
**七教**  
**八政**禮曰司徒修六禮以節民性明七教以興民德齊八

政以防民淫一  
道德以同風俗  
**芮伯**書成王以芮伯為司徒  
**君牙**書穆王命君牙作周太司徒曰

弘敷五典  
和入則  
**地官掌土地之圖**周禮乃立地官大司徒之職掌建邦之土地之圖與

其民人之數佐  
王安提邦國  
**儉**後漢儉寬為司徒卧布被  
**又**華歆為司徒以祿賜故人親戚帝聞歎曰

司徒國之老  
乃蔬食布衣  
**又**王良妻布裙曳柴史鮑恢不識知乃歎之  
**夢**共錄丁固夢松生腹上占者曰

松字十八公也後讓恭讓字道明遷司徒固讓親藩曰十八年果為三公讓若作司徒將為後世所嗤義不

敢邪詔書樂劔晉王導受遺詔輔幼主冕服安帝詔侍

數下辭之加葆羽鼓吹及班劔主冕服中太常領

司徒可袞冕服綠綬羽葆鼓吹也小車晉王戎為司徒委事長史時乘

出入人不知漢用元勳任崇晉推碩德選在山濤况當至理

之朝宜重薄當歸馬之代居祝融教典周禮司徒掌邦

以教官府孔謹奉詔長孫無忌太子承乾廢帝欲立晉

無忌元齡勸言東官事因曰我三子一弟未知所立吾心無仰即投床取佩刀自向無忌等敬爭抱持奪刀投

異議者斬帝顧王曰舅許汝矣宜即謝王乃拜傳三十

國家再造

郭子儀收東都於是河東河西河南州縣悉平以功加司徒封代國公食邑十戶入朝帝

遣其軍容迎灞上勞之曰國家再造卿力也于儀頓首謝傳六十二

李晟收長安

李晟至梁帝感

泣羣臣上壽且言晟蕩夷凶慙而市不易墜宗廟不震長安之人不識旂鉞雖三代用師不能加之帝曰天生

晟為社稷萬人豈獨朕哉拜晟司中人朝服孔緯加

將郊見中尉樞密使索宰相朝服有司白中人無衣冠助祭中尉怒責禮官必得緯言中人不朝服國典也陞

帝召謂曰方舉大禮為我容之列傳八十八

百官志

司徒一人

唐史品秩章服皆同太尉唐六典隋置司徒皇朝因之歷代品秩章

服皆同復為三公

通典隋及大唐復為三公



司空

白周書若保宏父定辟

若順也保安也宏父司空也辟君也言能順安司空之職而任

之以定居臣之道也

掌邦土

書司空掌邦土居四民時地利注冬官卿也主國土以居民也士農工商

四民使順天時分地利授之以土

鳩鳩

傳少昊以鳥名官鳩鳩氏司空也注云鳩鳩平均故為司空平

水平水土

舜命伯禹作司空帝曰咨禹汝平水土惟時懋哉懋勉也

典職六年

後漢

為司空數有忠言章帝冊曰司空典職六年特加太尉

兼領

書成王時毛伯為歸三公兼領司空職

免

漢彭宣為司空王莽專權宣乃上書乞骸骨上印綬歸鄉又後漢第五倫為司空自陳老病乞歸帝詔以

二千石 又

東觀漢記宗堪為司空十年歸印綬賜千石奉終

兼總二官

張華以中書監

兼司空 **辭官** 徐邀為司空歎曰三公論道之官無其人則關安以老病參之固辭不拜及沒後制賜故

司空邀殺二十萬 **臨軒懸樂** 見三公門 **受規** 陸玩字士瑤既拜司空有人詣之索

酒杯瀉置柱梁之間祝曰當今之材以為柱石莫傾人

是天下無人談 **當歸馬之朝** 奉鳴鳩 **事典** 周禮司空掌事典以平邦

國以經百官 **以讖命官** 後漢王梁君嚴世祖即位以赤伏符曰王梁主衛作玄武玄武

水神司空掌土之官 **孔仍總朝政** 房玄齡進司空仍總朝政固辭帝遣使謂

曰謙誠美德也然國家相眷賴久一日去良弼 **以外戚**

**位三公** 長孫無忌進司空知門下尚書省事無忌辭又因高士廉口陳以外戚位三公嫌議者謂天子

以私后家帝曰朕任官必以才不者雖親若襄邑王神符不妄授若才雖仇如魏徵不奔也詔曰黃帝得力牧為五帝先夏禹得咎繇為三王祖齊威得管仲為五伯長朕得公遂定天下公其勿遜列傳三十

自唐

以來無特拜者

馬允孫時馮道拜司空司空自唐以來無特拜者有司不知故事朝廷議者紛

然或曰司空三公宰相職也當叅為大政而宰相盧文紀獨以為司空之職祭祀掃除而已允孫皆不能決

負外郎一人直第

裴寂策司空遣尚書負外郎一人每日更直寂第共為崇貴如此太宗祠

南郊命寂與長孫無忌同昇金輅寂辭讓太宗曰以公有佐命之勲無忌亦宣力於朕同載叅乘非公而誰遂同乘  
**至親亦不虛授**  
長孫無忌策拜司空固辭不許太  
宗曰朕之授官必擇才行若才行  
不至縱朕至親  
**三公不居宰輔**  
王恩禮代李光弼為河  
東節度副大使從平祿  
亦不虛授舊史

山牧東京上元元年加司空自武德  
以來三公不居宰輔惟思禮而已  
楊國忠天寶十三載冊拜楊

國忠為司空其  
日兩止通典

### 門下侍郎

十一

白拜於淋下

漢成帝拜張禹少子於淋下為黃門侍郎 恥同列 魏夏侯元為黃門侍郎與

皇后弟毛曾同坐元恥之明帝恨之左遷羽林監

張華

字茂先為黃門侍郎博覽國籍四海之內若指

掌千門萬戶 孔門下侍郎二人正三品掌貳侍中之職  
蓋地而成

百官志三十七 龍朔二年改黃門侍郎曰東臺侍郎武后垂拱

元年曰鸞臺侍郎天寶元年曰門下侍郎乾光元年曰

黃門侍郎大歷二年復舊

同上

叅知機務

薛稷遷黃門侍郎叅知機務與

崔日用數爭事帝前罷

兄弟對管華近

溫大雅弟考博亦為中書侍門侍郎考博亦為中書侍

即兄弟對管華近帝嘗從容曰我起晉陽為卿一門爾

制敕不便輒駁正

李又改黃門侍

即制敕不便輒駁正貴幸有求官者窺宗曰朕非有靳故李又不可過爾傳四十四

奉身纔一布

囊

盧懷慎

束帶至晚未嘗休偃

崔元綜長壽中遷鸞臺侍郎勤於政事每在中書必

束帶至晚未嘗休偃

諫修蓬萊宮

張文瓘為東臺侍郎時造蓬萊宮上陽合璧等宮文瓘因進諫曰

人力不可不惜百姓不可不養養之速則富以康使之勞則怨以叛秦皇漢武廣事四夷多造宮室使上崩无解戶口減半臣聞制化於未亂保邦於未危其要不去必構禍難高鑒不遠近在隋朝臣願稍安撫之無使生

怨帝深  
納其言  
士可殺不可辱  
張廷珪遷黃門侍郎監察御史  
之廷珪奏曰御史憲司清望耳目之官有犯當殺即殺  
當流即流不可決杖士可殺不可辱也議者以廷珪之  
言為是也  
並舊史

### 中書侍郎

十二

白畫餅

魏明帝詔舉中書侍郎為吏部尚書盧毓曰得人與不在盧生身舉選莫取名名如畫作餅不

可啖毓舉韓暨敦又裴潛風神高邁為中書侍郎  
駕至行帝乃用之  
出入禁門見者皆肅然改容  
監令

同車

見上今  
門注

孔侍郎二人正三品掌貳令之職朝廷大

政參議馬

百官志

品第四特豫宴

于志寧為中書侍郎太宗嘗宴近臣問志寧豫

宴安在有司奏教召三品志

犯吾鱗禪闕失

杜正倫進中書侍郎

與帝批虞世南姚思廉論事稱旨帝設宴具召四人者謂曰我聞神龍可擾以馴然領有逆鱗嬰者死人君亦有之卿屬遂犯吾鱗禪闕失朕共慮危亡哉忠勤見表

崔知悌與戴至德郝處俊等同執政久明習故事文辭賜飛白贊而知悌以忠勤見表

詔教多出其手

郭正一

問所以制戎者

郭正一傳劉審禮與吐蕃戰大敗高

宗詔羣臣問所以制戎者正一曰吐蕃曠年搜寇師數出生費糧資近討則瘞威深入則莫得其巢穴今上策莫如少募兵且明烽候勿事侵擾須數年之遼力有餘人思戰一舉可破矣帝納之遼東周箕子國漢玄菟郡不使北面則

國

溫才博遷侍郎高麗貢方物高祖欲讓而不臣才博執不可曰遼東本周箕子國漢玄菟郡不使北面則

四夷何所瞻  
仰帝納而止  
**詔令叢繁裁可占授少選可待也**  
劉禘之擢中書

侍郎同三品是時詔令叢繁禘之恩致華  
敏裁可占授少選可待也列傳四十三  
**以諂佞取容**

王琚始為中書侍郎母居洛陽朱京師讓琚曰爾家上  
世皆州縣職今汝無攻城野戰勞以諂佞取容海內切

齒吾恐汝家墳墓無人復掃  
**美官**  
蘇題起為工部侍郎帝問宰相有自工部

除也琚卒不免傳四十六  
侍郎得中書侍郎乎對曰陛下任賢惟所命何資之計  
乃詔以題為中書侍郎帝勞曰方美官缺每欲用卿然

宰相議遂無及者  
**諫東西兩朋**  
郝處俊為中書侍郎高宗御殿觀醵時京城四

朕為卿恨傳五十  
縣及太常音樂分為東西兩朋帝令雍王賢為東朋周  
王潭為西朋務以角勝為樂處俊諫曰臣聞禮所以示

童子無誰者恐其欺詐之心生也伏以二王春秋尚少  
意趣未定當須推多讓美相敬如一今忽分為二朋遞



相誇競非所以道仁義示和睦也高  
宗賈然曰卿之遠識非衆人所及  
**中樞**白居易除裴  
垍中書侍郎

制宜登中樞  
以副金望

### 僕射

十三

### 白端揆之司

僕射

### 樞機之重

晉紀武帝詔曰侍中羊祜秉  
德清而處腹心之任始總樞

機之重加左僕  
射祜字叔子

### 贊治道

謝安為僕射制曰  
尚書內贊治道

### 統留事

魏志  
徐宣

左僕射加侍中車駕幸許昌宣總留事帝  
還主司奏呈文書帝曰吾與僕射何異也

### 暮出

顏和字  
君孝為

僕射以母老辭制書屢下特  
聽暮出朝還其優遇如此

### 不朝

何澄字君元以脚  
疾制聽生家視事

### 三

**日**世說周顛為左僕射深識危亂常飲  
酒醉三日不醒時人謂之三日僕射  
**隨車**王常為僕  
射常隨車

時人謂之魏尊碩德選在徐宣晉寵元勳選在光羊祐左揆右揆

左右僕射左右百官表建安中以執金吾榮邵為尚書左僕射僕射有左右自此始也山濤清

虛晉以山濤清虛恬簡轉為左僕射僕射領選齊職儀曰魏朝以尚書僕射毛玠領選曹晉以

僕射山濤領吏部後依擬至今或領馬孔各一人從二品掌統理六官為

令之貳令闕則總省事劾御史糾不當百官志三十七龍朔二

年改左右僕射曰左右匡政光宅元年曰文昌左右相

開元元年曰左右丞相天寶元年復同上尚食日給御膳

裴寂拜尚書右僕射賜服玩不貲詔視朝必引與同生入閣則延卧內言無不從呼為裴監不名也貴震當世

列傳

約天下已定許上印綬

寂遠左僕射帝置酒含章殿歡甚寂頓首曰始陛下

發太原約天下已定許上印綬今四海安願賜骸骨歸田里帝泣下曰未也要當相與老爾公為宗臣我為太上皇逍遙晚歲不亦善乎

不以私害義

屈突通判陝東道行臺左僕射從計王世充時通二

子在洛帝曰今以東略屬公如二子何通曰臣老矣不足當重任然疇昔陛下釋俘景加恩禮以蒙更生是時口與心誓以死許國今日之行正當先驅二兒死自其分終不以私害義帝大息曰烈士徇節吾今見之

上

疏辭疾

劉仁執拜左僕射太孫廢仁執專知留守事上疏辭疾因陳呂后祿產禍敗事以規后傳三十

三 大事關僕射

房玄齡進尚書左僕射帝曰公為僕射當助朕廣耳目訪賢才比聞關牒訟日

數百豈暇求人哉乃教細務屬左右丞大事關僕射共筮朝政杜如晦進位尚書右僕射仍領選與

房玄齡共筦朝政引士賢者下  
不肖咸得職當時浩然歸重  
**以令僕委**  
載肖會僕射蕭瑀免帝謂

胄曰尚書總國綱維失一事天下有受其弊者今以令  
僕委卿胄明敏長於操決無宿疑議者美其振職武德

以來殆**解事僕射**  
載至德遷尚書右僕射時劉仁軌為左人有所訴率優容之至德乃詰究

本末理直者密為奏終不顯私思由是當時多稱仁軌  
疏解事僕射嘗更日聽訟有嫗詣省至德已取牒嫗乃

復取曰初以為解事僕射今乃非是至德笑而還之人  
伏其長者或以問至德答曰慶賞刑罰人主之柄為臣

豈得與人主爭  
也帝知歎美  
**至本省具朝服劔佩**  
裴耀卿天寶初進尚書左僕射俄改

右僕射而李林甫代之上曰林甫至本省具朝服劔佩  
博士導即官唱接禮畢就耀卿聽事乃常服以贊者主

事導唱林甫驚曰班爵與公同而禮數異何也耀卿曰  
此苦眩不堪重衣又即博士紛泊非病士所宜林甫默

然不答四品官拜李程再為僕射先是元和長慶時僕射視事百官皆賀四品以下官答拜

太和四年詔不答拜王涯竇易直行之自如程循其故不自安言諸朝御史中丞李漢謂不答拜禮太重文宗

不許聽用太和知選聽就第注官衆遵慶以右僕射復詔書議者不善知選事朝廷優其老

聽就第注官時以檢校右僕射詔宰相百官送至省田為榮傳六十五

功大歷二年來朝檢校右僕射師長百僚劉宴常袞執詔宰相百官送至省傳六十九

望乃言宴舊德當師長百僚用為左僕射實欲奪其自權帝以計務方治詔以僕射領使如舊傳七十四

用隔品致恭竇易直檢校尚書右僕射易直以公潔自喜方執政未嘗引用親黨初元和中鄭餘

慶議僕射上儀不與隔品官亢禮易直為中丞秦駿之及為僕射乃自用隔品致恭為時鄙笑傳七十六望

冠一時

李絳寶歷初拜尚書左僕射絳偉儀質以直道進退望冠一時賢不肖太分屢為讒邪所中傳

七十

以宿德進

鄭餘慶遷左僕射比非其人及餘慶

賦

朝天行以獻

張建封檢校尚書右僕射十三年來朝帝不待日召見延英殿詔會朝赴大夫班以

示殊寵建封賦朝天行以獻帝卷

交騎不避

王璠拜御史中丞璠

扶所持頗橫恣道直僕射

位次三公

陳夷行進位尚書左僕射與崔珙俱

李絳交騎不避傳一百四

拜乃奏僕射始視事受四品官拜無著令且開元元年以左右僕射為左右丞相位次三公三公上日答拜而僕射受之非是望敕所司約三公上儀著

檢校官重則

從其班

今狐楚檢校尚書右僕射故事檢校官重則從其班楚以吏部自有品固辭有詔嘉允

**靈壽杖**

李靖遠尚書右僕射每參議恂恂似不  
能言以沉厚稱懇乞骸骨加賜靈壽杖

**辭旨疏**

**躁**

蕭瑀遷左僕射正觀初房玄齡杜如晦新得君事任  
稍分瑀不能無少望乘譁切詆辭旨疏躁太常怒廢

于

**固辭**

蕭俛自謂輔政淺固辭僕射換  
吏部尚書右避選事徒兵部

**上日唱授按送**

**印皆尚書郎為之**

裴均元和三年入為尚書右僕射上  
日唱授按送印皆尚書郎為之文武

四品五品即官御史拜廷下御史中  
丞左右丞升階荅拜時以為禮太重

**三世居此官**

高儉  
遠右

僕射儉三世居此官世榮其貴太宗幸洛陽太子監國  
命儉攝少師手詔曰端拱三川不憂關中者以屬卿也

久之請致仕  
聽解僕射

**性豪侈**

裴冕三拜性豪侈既素貴輿服食  
飲皆光麗珍豐捱馬直數百金者

常十數每廣會賓客不能名其饌自  
製巾子工甚人爭效之號僕射巾

**封倫議事輒變易**

封倫太宗立拜右僕射始倫之歸蕭瑀數薦之及是瑀  
為左僕射每議事倫初堅定至帝前輒變易由是有隙  
貞觀元年感疾卧尚書省**師長庶官**寶歷中左僕射李  
帝親臨視命尚輦送還第絳與御史中丞王  
璠相遇於道車不為之却因上言故事云左右僕射師  
長庶官開元時以為左右丞相其後雖去三事機務猶  
總百司之權表狀之中不書其姓尚書以下每日合衙  
上日百寮列班宰相送上中丞御史列位于庭禮數之  
崇中外特異所以自武德貞觀以來聖君賢臣布政除  
弊不革此禮謂為合宜苟有不安尋亦合廢近年緣有  
才不當位恩加特拜者遂從權便不用舊儀酌於羣情  
事實未當今或有僕射初除就中丞院門相見者即與  
就參何珠中丞新受亦無見

### 除拜必加同中書門下平

### 章事

貞觀末除拜僕射必加同中書門下平章事及參  
知機務等名方為宰相不然則否然為僕射者亦



無不加馬至開元以  
宋則罕有加者通典

天寶元年議曰

按僕射秦官其名  
則微其職甚細東

漢以後雖委任漸重職司會府而非師長之職也今尚  
書令總領衆務舉持綱目僕射貳之誠為崇重且非統

國政宰天下之任安有僕射因改丞相之名都無丞相  
之實而為百寮師長也又與丞即絕禮若不隔品致敬

則諸司長官與隔品寮屬其左揆元稹加陳楚左僕射  
可絕禮乎斯不然矣同上

權端揆同上投韋臯左僕射制  
端右射兼兵部尚書制  
罷去職勞正名端揆

端右可以旁右揆白居易加程執恭右僕射  
綏於戊政制特升右揆俾壯中權即其家拜

韓文檢校左僕射劉公墓銘昌裔拜陳州刺史兩界桑  
葉交跡就拜尚書右僕射得病視政不時請去職即其

家拜檢校封郎必居此座而封德彝之少也僕射楊素見  
左僕射

曰封即必居此座後討遼東封公船沒衆皆謂死楊素  
曰封即當得僕射此未必死使人求之封公抱得一板  
泛沒於大海中力盡欲放之忽憶揚公之言復勉力持  
之甯前為板所摩擊肉破至骨衆接救得之後果官至  
僕射見**第一人李揆**德宗幸山南用揆為入蕃會盟使  
定命錄**第一人李揆**拜尚書左僕射揆老恐死道路  
不能達命帝惻然祀曰和我者當練朝廷事非揆不可  
異時年少揆者不敢辭揆至蕃酋長曰聞唐有第一人  
李揆公是否揆畏留因給

### 尚書改僕射為遷

舊史楊志誠檢校工

部尚書知節度事七年轉檢校吏部尚書詔下進奏官  
徐廸詣中書白宰相曰軍中不識朝廷體位只知自尚  
書改僕射為遷何知工部轉吏部為美且軍事盛飾以  
待新恩一旦復為尚書軍中必慚今中使往被其勢恐  
不得出及使至其謙奔還奏曰楊志誠怒不得僕射三  
軍亦有怨言志誠遣將王文頴謝恩并讓官復賜官告

批荅文頴不受而歸朝廷納裴度言務以一門三僕射  
舍垢下詔諭之因再遣使加尚書右僕射

左僕射韋安石三從兄待價右僕射從姪巨源右  
僕射一門三僕射衣冠之盛無以加也西京雜記專以

### 錢穀進

王播大和元年入朝拜左僕射復輔政累封太  
原郡公時帝處厚當國以獻替自任天子嚮之

播專以錢穀進不僕射不知政事  
甚與事居位四年自武德至長慶四年  
已前僕射並是正宰

相神龍初豆盧欽望為僕射不帶同中書門下三品不  
敢參議政事後加知軍國事帝安石為僕射東都留守

不帶同三品自後僕射  
不知政事矣唐新語  
寵待之禮當時無傳  
李珣牛僧孺碑公東

都留守俄以左僕射召王人就賜官告特明異禮公一  
對而歸不詣相第又加相印出為漢南節度使制出上

悔之欲追成命公固辭出都門特賜清廟六器  
宣曰以卿精忠用以旣別寵待之禮當時無儔

樞密 十四

孔梁之崇政使乃唐樞密之職蓋出納之任也唐常以

宦者為之至梁戒其禍始更用士人其備顧問參謀議

于中則有之未始專行事於外也文權侂宰相至崇鞫重誨為

之始復唐樞密之名然武事任樞密後世因之遂分為

權侂於宰相矣同上機密之任安重郭崇鞫不欲

而宰相自此失其職也重馬紹宏在已上初崇鞫與宦者馬紹宏俱為中門使而

使而鞫不欲馬紹宏在已上乃以事無巨細一以委之

張居翰為樞密使紹宏為宣徽使白孔六帖

桑維翰拜中書令復為樞密使事無巨細  
一以委之數月之間百度寔理晉臣傳

詔書救千人

濫死

唐張居翰掖庭令張從政之養子同光中為樞密使僞蜀王衍既降詔遷其族於洛陽行及秦川時

關東已亂莊宗慮衍為變遣中官馳騎賫詔殺之詔王衍一行並宜殺戮其詔已經書時居翰在密地覆視其詔乃措去行字改為家字及衍就戮於秦川驛止族其近屬而已其僞官及從行者尚千餘人皆免其狂濫居翰力也

左右丞 十五

孔正四品

左丞一人正四品上右丞一人正四品下百官司志

掌辨六官之儀糾

正省内劾御史舉不當者吏部戶部禮部左丞總焉兵

部刑部工部右丞總馬

上同

龍朔元年改左右丞曰左右

肅機

上同

判訴牒

楊昉為肅機化及子訴治先蔭昉方食未即判逮曰肅機而未食庸知天下有

寬而求食乎昉怒取牒書曰父弒  
隋主子訴隋資可乎人服其敏

示四方盛德

張行成檢校尚

書左丞是時帝幸靈州詔皇太子從行成諫曰皇太子  
宜留監國對百寮日決庶務既為京師重且示四方威

德帝以為  
忠逮侍中

在職修舉

馮元常歷尚書左丞嘗密諫帝中  
官權重宜少抑帝雖置其計而內

然之由是為武后所惡元常在職修  
舉識覽澄遠帝委遇特厚傳三十六

振明綱

韋思謙累尚書

左丞能振明綱轄朝  
廷肅然進御史大夫

三世居

韋濟天寶中授左丞凡  
三世居之傳四十一

即

吏肅然望風脩整

帝洪景拜尚書左丞駁正吏銓所除  
六十餘官不當進資於是鄭綱丁公

著揚嗣復皆奪俸即  
史肅然望風脩整

**時重其有守**

裴信遷尚書右丞時  
李吳以兵部尚書領

鹽鐵將遷使局就本曾經創已半會信至以為  
不可異雖怙恩而羞猶撤之時重其有守本傳

**不置僕**

**射**

宇文融祖節貞觀中為尚書右丞謹幹自將江夏王  
道宗以事請節節以聞太宗喜賚絹二百勞之曰朕

比不置僕射正以公  
在省耳傳五十九

**趙璟堪此**

璟拜給事中咸安公主  
降回紇詔關播為使而

璟以御史中丞副之異時使者多私貸以市馬規利入  
獨璟不然使未還尚書右丞缺帝曰趙璟堪此遂以命

之傳七  
十五

**士大夫壯其節**

董晉改尚書左丞是時右丞元  
琇為韓滉排逆得罪滉勢振朝

廷晉見宰相誦元琇非罪  
士大夫壯其節傳七十六

**建言有司斷獄必刑部審覆**

徐浩右丞言故事有司斷獄必刑部審覆自李林甫楊  
國忠當國專作威福許有司就宰相府斷事尚書以下

未省即署乖謹恤意請如  
故便詔可故詳復自此始  
**正直朕所自知**  
趙洎治衙不

容奏免官帝見其名問宰相曰是豈永泰時御史乎對  
曰然詔拜尚書左丞既至勞之曰卿正直朕所自知乃

以罪聞**恭謹不去位**  
錢徽召拜尚書左丞會宣墨麻羣  
臣在廷方大寒稍稍引避徽素恭

謹不去位又而  
用**清察稱**  
崔善為累尚書左丞用清察  
稱諸曹吏惡之以其短而偃

嘲曰曲如鈞列封侯欲沮罷所任帝聞勉之曰昔齊末  
姦史歌斛律明月而高緯閣不察至滅其家朕雖不德

幸免是因下令  
**特詔賜錢**  
戴胄遷尚書左丞矜  
共貧特詔賜錢十萬  
**健于職**

劉洎拜尚書右丞相健于  
職於是尚書復始如徵時  
**上言即官不可賞能吏**  
帝溫  
速尚

書右丞鹽鐵推官姚勗按大徵帝以為能擢職方員外  
郎將赴省溫使止之即上言即官清選不可賞能吏帝



命中人諭送溫執議不移  
詔改勛檢校禮部郎中

**振舉綱目略無留事**

帝仁約儀鳳四

年除尚書左丞仁約奏曰陛下為官擇人無其人則闕  
今不惜美錦令臣製之此陛下知之深矣微臣盡命之

日矣振舉綱目略無  
留事羣曹肅然通典

**左綱右轄**

白居易庾承宣尚書右丞制昔我太宗皇帝嘗

謂尚書丞百職綱維事一失中則天下有受其弊者因  
命戴胄魏徵及杜正倫劉洎輩繼領是職分居左右官

脩事理人于今稱之故吾前命佳從持左  
綱今命承宣操右轄衆口藉藉頗為得人 **樞轄六曹**  
同上

孔按按尚書左丞制尚書丞掌決百事樞轄六曹晉魏  
已還右早於左惟有立者可以糾吏惟無瑕者可以律

人

白孔六帖卷七十一

欽定四庫全書

子部

白孔六帖卷七十二

詳校官中書臣閔思毅

員外郎臣牛稔文覆勘

總校官知縣臣楊懋珩

校對官典簿臣郭祚熾

謄錄監生臣郭瓚

欽定四庫全書

白孔六帖卷七十二

唐

白居易 原本

宋 孔傳 續撰

吏部 一

戶部 二

禮部 三

兵部 四

刑部 五

工部 六

尚書 七

郎官 八

內翰 九

吏部 一

白天官

吏部為天官

尚書

冢宰亦曰太宰

侍郎

小宰

會府

掌邦治

周禮

乃立天官而掌邦治以佐王均邦國太宰之職掌建邦之六典以佐王治邦國

主司

理典

周禮

太宰掌理典也

銓管

晉起居注云太康四年制曰選曹銓管人才宜以忠恪尚書朱整以道素自居

衡

鏡

亦曰藻鏡銓衡

官人之灋

魏略陳羣字長文延康元年羣始建九品官人之灋拜吏部尚書

考課之典

魏志韓暨為吏部立考課之典法也

毛玠之公

魏志

山濤之識

並為

吏部尚書贊曰山

著箴

李重為吏部尚書著箴選曹置之左右

刊令

晉諸公贊

李允為吏部尚書稱正身率職刊定選例而著于今

擢舊

何晏字平叔遷侍中主選宿與之舊者多擢用

不退虛名

晉起居注王戎領吏部未嘗進寒素退虛名田園徧於天下

得才

吳書李肅知選

世號得才

魏盧毓遷吏部尚書乃舉孫邕自代之

讓

薛綜為選曹尚書因讓顧譚曰才昭人物德服

衆望臣不如也遂代綜

清通簡要

鍾會曰表措清通王戎簡要後十二年二賢當為吏部與天下

無滯才也後並為吏部尚書

就家

晉阮孚時遷為吏部尚書稱疾不拜詔惜其大才就家用之

藻九流

四科取士

持衡

掄材

采葑采菲

刈

楚知人

取士統百官

書冢宰掌邦理統百官均四海注天官卿也統理百官

兼領

書召公奭為太保兼領冢宰之職

射策之初

既無失於正鵠

掄材之際

必有適於輪轆

魏擇公方任先毛玠

晉推簡要選在王戎

當垂拱之朝

實資共理

奉持

衡之職

必在至公

密啟

山濤為吏部尚書用人皆先密啟然後公舉

儉

鄧攸遷吏部尚書飲

馮於家妻恚素餐不受一飯於人

舉用

魏諸葛誕為吏部郎中有所屬輒承其言而用後有當不則疏

議得失百察皆慎其所舉

賜衣

魏氏春秋曰許士宗為吏部郎帝見其衣敗曰清哉賜之衣也

賜錢

穀

晉山濤為吏部郎清貧文帝賜金錢二百萬絲百斤穀百斛

用捨

王蘧為吏部郎曰欲使時無屈

滯先任草萊杜錫為吏部郎不取用卿親一人

黜

晉陸抗為吏部郎以務私被黜

嗜酒

畢卓為吏部郎

嗜酒比舍郎酒熟卓醉夜往飲臥於甕間酒吏繫之明日視乃畢吏部

舉

山公舉阮咸為吏部郎曰清直

寡欲萬金不移矣

孔吏部尚書一人正三品侍郎二人正四品

上郎中二人

五品上負外郎二人從六品上掌文選

勲封考課之政以三銓之灋官天下之材以身言書判德行才用勞効較考其優劣而定其留放為之注擬五品以上以名上而聽制授六品以下量資而任之其屬

有四一曰吏部二曰司封三曰司勲四曰考工

劉祥道字同壽

魏州觀城人父林甫武德時為內史舍人典機密以才稱與蕭瑀等撰定律令著律議萬餘言歷中書吏部二侍郎賜爵樂平縣男唐高宗制十二月選集至春停日久事叢有司不及研諦林甫建請四時聽選隨到輒擬於是官無滯入始天下初定州府及詔使以赤牒授官至是罷悉集吏部調至萬員林甫隨才銓錄咸以為宜論者方隋高孝基祥道少襲爵歷御史六事上疏陳六中丞顯慶中遷吏部黃門侍郎知選事

**六事**

上疏陳六事一曰今

取士多且濫入流歲千四百多也雜色入流未始銓汰  
濫也故共務者善人少惡人多臣謂應雜色進者切責  
有司試判為四等二曰內外官一品至九品萬三千四  
百六十五員大抵三十而仕六十而退取其中數不三  
十年存者略盡若歲入流五百人則三十年自相充補  
況三十年外在官猶多不慮其少三曰永徽以來在官  
者或以善政推論事者或以單言進而庠序之諸生未  
聞甄別四曰唐有天下四十年未有舉秀才者請自六  
品以下至草野審加搜訪無令赫赫之辰斯學遂絕五  
曰唐虞三載考績黜陟幽明二漢用人亦久其職今任  
官率四考罷官知秩滿則懷去就民知遷徙則苟且六  
曰三省都事主事主書比選補皆取流外雖欲參用士  
流率以衛設長名榜銓注等瀆裴行儉遷吏部侍郎與  
類為耻李敬元馬載司典選有

能名時號裴馬行儉始設長名榜銓注  
等瀆又定州縣升降資擬高下為故事  
冬初選集唐皎

貞觀



中官為吏部侍郎先是選集四時補擬不為限凡三掌  
較請以冬初集盡季春止後遂為法傳三十八

**選**

帝承慶轉天官侍郎凡三掌選  
銓授平允議者公之傳四十一

**貴幸憚其嚴**

帝洪景  
再選吏

部侍郎銓綜平序貴幸  
憚其嚴不敢恩以私

**白衣領職**

陸元方擢天官侍郎  
或言其薦引皆親黨

后怒免官令白衣領  
職元方薦人如初

**平判皆誦於口**

唐史傳載帝見素  
遷吏部侍郎平判

皆誦於口銓叙平允官有巧  
求輒下意聽納人多德之

**請謁不行**

李乂進吏部侍郎  
即仍知制誥與

宋璟等同典選事請謁不行時  
人語曰李下無僂徑傳四十四

**當公介然不受私謁**

崔

暉為天官侍郎當公介然不受私謁執政忌之改文昌  
左丞不踰月武后曰卿向改職乃聞諸令史設齋相慶

此欲肆其貪耳乃復拜  
天官侍郎厚賜綵物

**銓綜號為公平**

帝陟遷吏部侍郎  
即選人多偽集

與正調相冒陟有風采槌辨無不伏者黜正數百員銓綜號為公平傳

**點頭者更擬**

蘇晉立戶

部侍郎遷吏部時宋璟兼尚書晉與齊澣更典二都選更糊名校判而晉獨事賞拔當時譽之及裴光庭知尚

書有過官被却者就籍以朱點頭而已晉國因榜選院曰門下點頭者更擬光廷以為侮已出晉汝州 **拔**

**寒遠士多至臺閣**

席豫入拜吏部侍郎玄宗曰考功職詳事允故有令授豫典選六年拔寒

遠士多至臺閣當時推知人號席公云

**臺選**

齊澣中書令張說擇丞轄以王丘為左澣為右李元紘杜

道當國表宋璟為吏部尚書澣及蘇晉為侍郎世謂臺選嘗奏事帝指政事堂曰非卿尚誰居者

**吏選**

**自中宗後綱紀耗蕩**

盧從愿睿宗立拜吏部侍郎吏選自中宗後綱紀耗蕩從愿精力于

官偽牒詭功槌檢無所遺銓綜六年以平允聞特官其一子

**裴馬盧李**

初高宗時吏部稱職者裴

行儉馬載及是從愿與李朝隱為  
有名故號前有裘馬後有盧李  
與盧從愿竝授一子

**官**

李朝隱開元初遷吏部侍郎銓  
敏明審與盧從愿並授一子官  
洪州調補元年以吏

部侍郎知南選故命滋  
至洪州調補以振職開積寬縱  
苗晉卿累遷吏部郎中  
久之進侍郎性寬縱而

史下因緣作姦  
品裁清允  
楊館歷禮部侍郎俄遷吏  
部品裁清允人服其公  
曩與先臣

**竝命尚念之耶**

趙宗儒罷為太子右庶子屏居謹靜奉  
朝請而已遷吏部侍郎召見勞曰知卿

杜門六年故有此拜曩與先臣  
並命尚念之耶宗儒俯伏流涕  
私謁盈几一不省  
孔緯

部侍郎權要私  
謁盈几一不省  
笏擊裴延齡  
顧少連歷吏部侍郎裴延

少連會田錡第酒耐少連捉笏曰段秀實笏擊賊  
臣今吾笏將擊姦臣奮且前元友直在坐勸解之  
毀懷

不受金

帝夏卿為吏部侍郎時從弟執誼在翰林受人金有所干請密以金內夏卿懷中夏卿毀懷不

受曰吾與爾類先人道德致位及此顧當是哉

有台宰望

呂元膺拜吏部侍郎即正色立朝有台宰望

處事裁宜人服其有體

時議嘉仰

岑義進吏部侍郎崔湜鄭愔及大理卿理元恭分掌選皆以賄

聞獨義勁廉為特議嘉仰

調者丐留

張讀為吏部侍郎選牒精允調者丐留二年詔可補其事曹門

以選事委令史

許于孺長壽中歷天官侍郎以選事委令史句直日偃卧不下筆時人語曰句

直平配既而補授失序傳為口實

書判分甲乙丙科

苗晉卿進吏部侍郎天寶二載判入

等者凡六十四人書判分甲乙丙三科以張奐為第一與御史中丞倚之子倚新得幸於帝晉卿欲附之與本無學故議者竄然不平安祿山曰問言之帝為御花萼樓覆寶中裁十一二與持紙終日筆不落人謂之曳白

帝大怒貶倚及晉卿先收寒素捉吏姦李固言為吏部侍郎既領選按籍自擬先收寒素托

吏史蕭然斂手李至遠遷天官侍郎知選事疾令吏受賄多所絀易吏蕭然斂手有王忠者被

放吏繆書其姓為士欲擬訖增成之至遠曰尚書六職調者三萬無士姓此必王忠吏叩頭服罪

天官首之辨論官材澄汰流品比諸內史選妙秩清居

易柳公綽吏領選號清平石抱忠為侍御史進檢校天部侍郎制官即中與侍郎劉奇張詢古

共領選寡廉潔而奇號清平史給選者成牒以先後丐賕崔從遷吏部員外郎

異時史給選者成牒以先後韓滉遷吏部員外郎性強丐賕從一限出之後遂為法荏南曹五年

直明史事荏南曹李朝隱遷侍御史罷斜封千四百負史部員外郎時政

出權幸不闕兩省而內受官但斜封其狀付中書即宜  
所司朝隱執罷千四百負怨誹譴騰朝隱胖然無避屈

選人訴索好官

苗晉卿累遷吏部郎中中書舍人知選  
事選人訴索好官厲言色紛于前晉

卿與相對終日無愠顏

世稱吏事第一

裴遵慶擢吏部員外郎判  
南曹天寶時選者歲萬計

逆慶性彊敏視簿牒詳而不苛世稱吏事第一

判析有條

李栖筠三遷吏部員  
外郎時大盜後選簿

七姓多冒偽栖筠判析有條史氣奪號神明

寒遠無留才

崔郎遷吏部員外  
郎下不敢姦每擬

史親挾格廉熱必當寒速無留才

右闈

白居易獨孤郁自考功遷司  
郎中制選自外郎擢居右闈

三列宿

常湊祖叔諧正觀中為庫部郎中與弟吏部郎  
中叔謙兄主爵郎中季武同省時號三列宿

黜陟詳當

趙宗儒再遷司勳員外郎貞元六年領考功  
事自至德後考績失實內外悉考中上殿最

混淆至宗儒黜陟  
詳當無所回憚  
考功多請託  
王邛開元初遷考功員外郎考功異時多請託

進者濫冒歲數百人  
邛務覈實歲登科才滿百議者謂  
自武后至是數十年采錄精明無邛比其後席豫嚴挺

之亦有稱  
馬出邛下  
挾考功南曹印赴行在  
裴諤遷考功郎中數燕見奏事代宗幸陝

謂徒步挾考功南曹印赴行  
在帝曰疾風知勁草果可信  
改考功員外取海內名士

取類真卿李華蕭穎士趙  
驛等皆海內名士徐逖  
覈取實材  
馬懷素遷考功覈取實材權貴謁請

一不能  
阿撓  
考簿用墨  
王徽進考功員外郎故事考簿以朱注上下為殿最歲久易漫吏輒竄為

姦微始用墨  
遂絕妄欺  
六官之屬選部郎首之  
白居易除李建吏部員外郎制六官

之屬選部郎首之歷代以來諸曹郎之中擇  
其踐歷久考第高加以有器局律度者遷焉  
選部以清

有簿書以旌淑慝擇刀筆以決臧否剖疑折滯揮翰如流選部以清繁公是賴席豫楊吏部郎中碑銘序詞

人之冠

張九齡改司勳員外郎時張說為宰相親重之與通譜系常曰後出詞人之冠也

戶部

二 事具司徒門

白地官

尚書

大司徒

侍郎

小司徒

掌土地之圖

周禮大司徒之職掌

邦國土地之圖與其民人之數以佐王安邦國

民部

登其衆寡

周禮地官之職

孔戶

部尚書一人侍郎二人掌天下土地人民錢穀之政貢

賦之差

百官志

戶部郎中負外郎掌戶口土田賦役貢獻

蠲免優復婚姻繼嗣之事

其後以諸行郎官分判錢穀而戶部度支郎官失其職矣



會昌二年著令以本  
行卽官分判錢穀

高宗即位改民部曰戶部龍朔二

年改戶部曰司元光宅元年改戶部曰地官

同度支

下租稅物產豐約之宜水陸道塗之利歲計

金部掌天下庫

所出而支調之龍朔二年改度支曰司度

倉部

掌天下庫儲

藏出納權衡度量之數龍朔二年改

從獵洛陽

唐儉為民部

根倉廩之事龍朔二年改倉部

曰司度天寶十一載改司儲

陽范犀豕突出于林帝射四發輒墮四豕一豕躍及鏗

儉投馬搏之帝拔劍斷豕顧笑曰天策長史不見上將

奉法持正

鄭善果兼

擊賊耶何懼之甚對曰漢高祖以馬上得天下不以馬

上治之陛下神武定四方豈復快心於一獸帝為罷獵

好鬚

李暉為民部尚書帝曰玄齡

謂何口惟稱好鬚無他語

白孔六帖

八

奉法持正風績顯公卿間詔  
每奏事若侍得升殿而從  
伏獵侍郎嚴挺之傳戶部侍郎蕭炎林甫

所引不知書與挺之言稱蒸嘗伏臘乃為伏獵  
挺之言九齡省中而有伏獵侍郎乃出吳岐州  
言利

病尤詳楊瑒歷戶部侍郎嘗召宰相大臣議天下戶版  
延英殿瑒言利病尤詳帝皆賞於是宇文融建

言檢脫戶除口瑒執不便融方貴公卿  
喻然唯唯獨瑒抗議故出華州刺史  
帝才之謂可丞

輔李元絃帝欲推為尚書宰相以資薄乃為戶部  
侍郎除陳利害及政得失帝才之謂可丞輔戶部

無獻李絳遣戶部侍郎判本司帝以戶部故有獻而絳  
獨無何哉答曰凡方鎮有地則有賦或畚用度易

羨餘以為獻臣乃為陛下謹出納焉有羨贏哉若  
為獻是徒東庫物實西庫進官物結私恩帝矍然  
歲

以四萬緡上度支庾敬休為戶部侍郎初劍南西川山  
南道歲征茶戶部自遣巡院主之莫

賈人入錢京師崔元畧奏青本道主當歲以四萬緡上  
度支之逗留多不至請置院梯岫收度支錢乃無逋沒  
又言蜀道米價騰踊百姓流亡請  
以本道闕官職田賑貧民詔可  
**出入米鹽非所長**  
王彦

威為戶部侍郎判度支彥威於儒學固諳達  
亦善吏事但經總財用出入米鹽非所長也  
**救救莫若**

**省用**

杜侃建中初河朔兵擊戰民困賦無所出侃  
以為救敝莫若省用省用則省官乃上議

**代貧**

**民租**

歸融為戶部侍郎湖南觀察使盧周仁以南方屬  
火取羨錢億萬進京師融勅秦天下一家中外之

財皆陛下府庫周仁陳小利假異端公違詔書徇私希  
恩恐海內效之因緣漁利生人受弊罪始周仁請重責  
還所進代貧民  
**哀會嚴亟以辦**  
皇甫鑄改戶部侍郎憲  
租入詔不從

哀會嚴亟  
以辦帝悅  
**戶部侍郎周之地官小司徒也**  
掌天下田戶  
之圖生齒之

籍賦役貨幣之政以待國用而質歲成授以耗登之書  
善其職者多登大仕白居易牛僧孺制

俾陳生聚之術

元稹崔稜授戶部侍郎制

問歷代戶版

盧承慶遷民部侍郎帝問

歷代戶版承慶引據該詳

克賊破日

韋表微進戶部侍郎開志詔叛詔李聽帥師討之次河上天子

憂無成功表微曰以聽軍勢不十日必破賊及捷書上止決日

國之材臣

張平叔國之材臣也

計能析秋毫吏畏如夏日司會逾月網條甚張况師旅未息調食方急倚成取濟非爾而誰白居易張平叔戶

部侍郎制世號郎官家

初維為郎乃蔣柳于庭及虛心兄弟居即省對之輒飲容自叔謙後至即

中者數人世號即官家韋維

戶部二妙

韋維遺戶部郎中善裁剖時員外宋之問善詩故時稱戶

部二妙內舉得人

狄光嗣聖歷初為司封丞武后詔宰相各舉尚書郎一人仁傑薦光嗣由是拜

地官員外即以稱職  
間後曰邛奚內舉得人

**地官為郎**

杜牧草退之制

**奏課第一**

裴向

累為櫟陽渭南令奏課  
皆第一擢戶部員外郎

**郎官皆為清秩**

杜牧韓賓制

**戶部分**

**兩稅**

出都官故事

**俊拔**

唐新語呂太一為戶部員外郎移牒戶部令於墻宇悉樹棘以防令史交

通太一報牒曰眷彼吏部銓總之司當須  
簡要清通何必設籬種棘省中賞其俊拔  
**判入**唐故事按

郎中判入員外郎刊出  
侍郎總領押案而已

**奏度支財物數千言**

崔仁師為度支郎中

皆奏度支財物數千言手不執本太宗恠之令黃門侍  
郎杜正倫齎本與仁師對唱一無差殊太宗大奇之舊

**史理寬**

張位方少穎秀為兒時父友高郢見奇之曰此子非常必為國器後為金州刺史郡人有田產

為中人所奪仲方三疏奏開  
竟理其寬入為度支郎中

**坊州貢杜若**

貞觀中勅下度支求杜若

省即以謝朓詩芳州採杜若  
乃責坊州貢之當時嗤笑  
**獻糗餌**  
舊史張濬為度支員外郎黃巢將逼

闕輔濬託疾請告侍其母孀族避亂高州賊犯京師僖  
宗出幸途無供頓衛軍不得食漢陰令李康獻糗餌數

百駮綱軍士始得食僖宗乃召康問卿為縣令安操心  
及此對曰臣為廩史安敢有此進獻張濬員外教臣也

帝異  
**委錢穀**  
唐德宗建中初罷劉晏並  
**貪猥**  
舊史李石

外郎韓益判度支按益坐贓繫臺石奏曰臣以韓益曉  
錢穀錄用之不謂貪猥如此帝謂曰宰相但知人則用

有過則懲卿所用人且不掩其惡可謂至公  
從前宰相用人有過曲為蔽之此大謬也  
**受命恬然**

舊史畢誠歷駕部員外郎倉部郎中故事勢門子弟鄙  
倉駕二部居之者不悅惟誠受命恬然恭遜執政多之

改職方  
**中立正色**  
孟簡為倉部員外郎王叔文驟為戶部侍郎簡為其屬中立正色挺然不

附叔文忌之不敢退黜言於  
宰相韋執誼換刑部員外郎  
出給必悵有司之常元稹范季

勝倉部制出給必悵有司之常感上下之價則茫昧者  
受弊雜苦良之貨則豪力者贏惟一惟公乃罔不同惟

平惟石乃  
罔不吉  
民不絀網而國用益饒劉禹錫崔公陞碑檢校戶部郎中幹池鹽

于蒲修牢益謹衡石煎和既精飴散乃盈商通而荐至  
史懼而循法民不絀網而國用益饒歲杪會其所入贏

羨什百詔  
下褒其能

### 禮部 三

白春官曰春卿 侍郎曰扶宗 禮闈禮 主司禮典禮

宗伯掌禮典以和邦國  
以統百官以諧萬人  
掌邦禮周禮 乃立春官而掌建

次定四軍全書  
白孔六帖  
十一

保邦國

周禮大宗伯之職掌邦之天神人鬼地祇之禮以佐王建保邦國

治神人和上

下

書宗伯掌邦禮治神人和上下注云春官卿也宗廟神官長主國禮治天神地祇人鬼之事及國之吉凶

宿軍嘉之禮以

典三禮

夙夜惟寅

尚書舜典曰有能和上下尊卑

夷帶曰汝作秩宗夙夜惟寅直哉惟清注三禮天地人禮

彤伯

書注成王命彤伯入為宗伯

當同

和之代

先務化成

居禮樂之司

必資明備

孔禮部尚書一人侍郎

一人掌禮儀祭饗貢舉之政

唐志

禮部郎中員外郎掌禮

樂學校衣冠符印表疏圖書冊命祥瑞鋪設

及百官官人表菲贈

聘之數

武德三年改儀曹郎曰禮部郎中龍朔二年改禮



部曰司禮光宅元年改禮部曰春官同祠部掌祠祀饗

祭天文漏刻國忌廟諱卜筮醫藥僧尼之事龍朔二年改祠部曰

司膳部掌陵廟之牲豆酒膳諸司供奉口味龍朔二年改膳部曰

膳司主客掌二王後諸蕃朝見之事武德三年改司藩郎曰主客郎中失

德以却災媚神以丐助韋毅進位禮部尚書帝問所以振災邀福者對曰宋景公以善

言退法星三舍漢文除祕祝勃有司祭而不祈此二君皆受自至之福書美前史如失德以却災媚神以丐助

神而有知且因以譴也抑浮華先行實韋貫之為禮部侍郎所取士抑

浮華先行實于古柳復榮令貢士賦呂渭遷禮部侍郎始中書省有古柳

時流競為息

建中未枯死德宗自梁遷柳復榮茂人以  
為瑞柳涓令貢士賦之帝聞不以為善

甄幽獨抑浮

華

高郢為侍郎時四方士務朋比更譽薦以動有司徇  
名亡實郢疾之乃謝維請設顯行藝司貢部凡三歲

甄幽獨抑浮華  
浮競之俗為衰

於鑒裁尤長

韋陟遷禮部侍郎陟於鑒  
裁尤長故事取人以一日

試為高下陟許自通所工先就其能試  
之已乃程考由是無遺材列傳四十七

建復孝廉力田

等科

揚綰為侍郎建復古孝廉  
力田等科天下高其議

人人稱美

李揆俄兼禮  
部侍郎揆病

取士不考實徒露搜索禁所挾而迂學陋生藉挑國史  
且不能自措于辭乃進諸儒約曰上選士第務得才可

盡所欲言由  
是人人稱美

使上聞所未聞

勳防進禮部侍郎得穆質  
等時比歲早萊問陰陽稷

診質對漢故事免三公卜式請烹宏羊指當時輔政者  
右司郎中獨孤恹欲下質防不許曰使上聞所未聞不

亦善乎卒致質高  
第帝見策嘉懌  
**抵帽于地**  
高澁咸通末為禮部侍郎  
時士多由權要干請澁不

能裁既而抵帽于地曰吾決以至公取之  
得譴固吾分乃取公乘億許棠聶夷中等  
**頗得才實**  
高

遣中書舍人開成元年權知貢舉文宗自以題昇有司  
錯以籍上帝語侍臣曰比年文章卑弱今所上差勝於

前鄭覃曰陛下矯革近制以正頽俗而錯乃能為陛下  
得人帝曰宜流宕即以錯為禮部侍郎閱三歲頗得才

實始歲取四十人才益  
少詔減十人猶不能滿  
**得士多名卿宰相**  
賈餗歷禮部  
侍郎凡三典

貢舉所得士  
多名卿宰相  
**典冊必出其手**  
于即進侍郎朝廷有  
大典冊必出其手  
**請討**

**李宥**  
王起拜禮部侍郎李宥叛與播俱上疏  
請詔王智興討之卒定其亂賜金紫  
**典郊祀之**

**禮**  
獻賢能之書今小宗伯實兼二事非直清明正  
者介足以處之白居易韋貫之授禮部侍郎制  
**斥華**

取實

衛次公知禮部貢舉斥  
華取實不為權力侵撓

甄品詳諦

權德輿知禮部  
貢舉直拜侍郎

凡三歲甄品詳諦所得  
士相繼為公卿宰相

為外郎帝嘉其守

許孟容拜禮  
部員外郎公

子求補崇文生者孟容固謂不  
可帝問狀以著令對帝嘉其守

祠曹

白居易張士  
階除郎中制

悉浮

屠隸主客

帝博進主客郎中特詔毀佛祠悉浮屠隸主  
客博言令大暴宜近中宰相李德裕惡之

尚書左侍郎自奏議彌綸外凡邦之牲豆之品醴膳之

數實糾理之命文昌長佐春官卿

白居易膳  
部郎中制

大才當大

用

帝安石永昌元年遷雍州司兵叅軍蘇良嗣當國謂  
安石曰大才當大用徒勞州縣可乎薦于武后擢膳

部員外郎學該典禮

拜祠部員外郎  
李華崔沔集序官有秩清而選妙者其

儀曹負外郎之謂乎

白居易張元夫禮部負外郎制論回鶻杜牧改膳

宰相李德裕素奇其材會昌中黜辱斯破回鶻種落潰入漠南說德裕不如遂取之以為兩漢代虜常以秋冬常勾奴勁弓折膠重馬免乳與之相校故敗多勝少今若以仲夏發幽并突騎及酒泉兵出其意外一舉無類矣德裕善之

兵部四 事具大司馬門

白夏官

尚書

大司馬也亦曰夏卿

侍郎

小司馬

五兵

晉蔡道明選五兵尚書疏

讓六師見司馬門孔尚書一人侍郎二人掌武選地圖車馬

甲械之政

百官志

郎中一人判帳及武官階品衛符衆寡

校考給告身之事一人判部及軍容調遣之名數朝集

祿賜假告之常

同上

貢外郎一人掌貢舉雜請一人判南

曹歲選解狀則覈簿書資歷考課

同上

龍朔二年改兵部

曰司戎光宅元年改兵部曰夏官天寶十載曰武部

同上

職方掌地圖城隍鎮戍烽候防人道路遠近及四夷歸

化之事

龍朔二年改曰司城

駕部掌輿輦車乘傳驛廐牧馬牛雜

畜之籍

龍朔二年改駕部曰司輿天寶十一載曰司駕

庫部掌戎器鹵簿儀仗

龍朔元年改庫部曰司庫

清以奉國

屈突通授兵部尚書蔣國公為秦王行軍元帥長史從平薛仁

果時賊珍用山積諸將身得之通獨無所取帝聞忠於  
曰清以奉國名定不虛特賚金錢六百兩綵十段

**所事**

杜奉懿為尚書朱玖兵逼乘輿帝走寶難獨奉懿  
從是時棧道為山南石君涉所毀天子間闕險澁

奉懿未嘗暫去側帝勞曰朕失道再違宗廟方艱難時  
卿不少捨朕蓋古所謂忠於所事邪奉懿頓首曰臣出  
蒙國厚恩陛下不以臣不肖使  
**通知四夷情偽** 崔敦禮

尚書詔撫輯回紇鐵勒部姓會薛延冠邊與李勣合兵  
破之置祁連州處其餘衆瀚海都督回紇吐迷度為下  
所殺詔往綏定立其嗣而還敦禮通知四夷情偽其  
宰

**相兼兵部**

姚崇三為宰相常兼兵部故屯  
戊斥堠士馬儲械無不暗記

**坐軍容不整**

郭元振為兵部尚書玄宗於驪山講武坐軍容不整將  
斬以徇張說於馬前諫曰元振有翊贊大功雖有罪當

從原乃赦之流于新州舊史

**改名**

順宗冊廣陵王純為太子兵部尚書王純請改名時議非之皆云皇

太子亦人臣也東宮之臣改之宜也非其屬而改之諂也

**乘款段馬**

李懷遠見馬門

**人指樹**

**懷之**

具漆方鎮叅辭就兵部

今狐楚奏諸道節度使等具帑抹帶罷仗就尚書省兵部

叅辭伏以軍國異容古今定制夫開省闕之門忽納弓刀之器鄭注首創叅謀將興亂兆致王璠郭行餘之輩敢駟將吏直詣闕庭寃驚乘輿騷動京國伏乞速令停罷如須叅謝即具公服從之

**檢校夏官侍**

**郎仍領選**

李迥秀大定初檢校夏官侍郎仍領選銓汰文武號稱職

**墨污爾**

婁師德授夏官

侍郎判尚書事注選選者就案閱簿師德曰容我擇之可乎選者不去乃洒筆曰墨污爾

**領步騎出**

**賊背**

楊宏禮太宗征遼東拜兵部侍郎駐蹕之役領步騎二十四軍跳出賊背所向推靡帝自山上下望



其衆袍仗精整人人盡力壯之謂  
許敬宗曰越公兒郎故有家風  
擇澤潞帥權德輿還前官時澤

路盧從史詐傲深不制其父度卒京帥而成德王承宗  
父死求襲德輿諫以謂欲變山東先擇昭義之帥從史  
拔自軍校偃蹇不法今可因其喪選守臣代之成德習  
俗既久當制以漸許成德之請則可許昭義則不可

### 宣諭王庭湊

韓愈轉侍郎鎮州亂殺田洪正而立王庭湊詔愈宣撫愈至庭湊殺兵邊之甲士陳

庭既坐庭湊曰所以紛紛者乃此士卒也愈大聲曰天子以公為有將帥才故賜以節豈意同賊反邪語未終  
士前奮曰先太師為國擊朱滔血衣猶在此軍何負乃  
以為賊乎愈曰以為爾不記先太師也若猶記之固善  
天寶以來安祿山史思明等有子若孫在乎亦有居官  
者乎衆曰無愈曰田公以魏博六州歸朝廷官中書今  
父子受旗節劉悟李祐皆大鎮此爾軍所共聞也衆曰  
洪正刻故三軍不安愈曰然爾曹亦害田公又踐其家

矣復何道衆謹曰善  
庭奏慮衆變疾麾去  
**志簡淡**  
敬括果州刺史累進兵部  
侍郎志簡淡在職不求名

惟茲夏官實掌戎政  
白居易柳公綽  
兵部侍郎制  
**選事在尚書**  
盧承慶俄

兼檢校兵部侍郎知五品選辭曰選事在尚書  
臣掌之為出位帝不許曰朕信卿卿何不自信  
**無不召**

見  
韋澳遷兵部侍郎與同察蕭寘深為宣宗所遇每  
二人同直無不召見詢訪時事每有邦國刑政大事

中使傳宣草詞澳心欲論諫即曰此一事須降御札  
方敢施行遲留至旦必論其可否上旨多從之舊史  
**勳**

在王府豈限常格  
衛次公為兵部侍郎選人李勣徐有  
功之孫名在黜中次公召而謂之曰

子之祖先勳在王府豈  
限常格並優秩而遣之  
**擢兵部員外郎**  
杜正倫太宗素  
知名表直秦王

府文學館擢兵部員外郎帝勞曰朕舉賢者非朕獨私  
以能益百姓也我於宗姬故人苟無能終不得任卿恩

有以稱  
吾舉者

**庭無稽牒**

張嘉貞遷兵部負外郎時功狀盈几  
即吏不能決嘉貞為詳處不允旬庭

無稽牒  
本傳

**仍遷秩為五兵郎中**

白居易  
馮宿訓

**倉駕二曹為辱**

畢誠

累官駕部負外郎倉部郎中故事要家勢人  
以倉駕二曹為辱誠怡然如處美官無異言

**座右置水**

**一石**

孔若思勵學擢明經歷庫部郎中嘗曰仕  
官至郎中足矣座右置水一石明自足意

**農國之**

**本**

李渤擢為庫部負外郎會皇甫鏘輔政務剝下佐用  
度渤上言渭南源鄉戶四百今纔四十闕鄉戶三十

今遷他州縣大抵類此其蔽始於攤迷人之賦願下詔  
賜禁止計不三年人必歸于農夫農國之本本立而太

平可**家畜聲伎**

王翰擢通事舍人駕部負外郎家畜聲  
伎目使願令自視王侯人莫不惡之本

傳**掌五兵六師之重**

杜襲**職方觀圖**

帝執誼始末顯時  
不喜人言嶺南州

縣既為郎嘗詣職方觀圖至嶺南輒瞑目命左右徹去  
及為相所坐堂有圖不就省既易句試觀之崖州圖也  
以為不祥惡  
之果貶死  
**沉靜少言**  
裴光庭轉兵部郎中沉靜少言  
寡交游既歷清要時人初未之

許及在職公務  
修整衆方嘆服  
**有吏幹**  
李愷驟歷兵部郎中給事中愷  
有吏幹明於儿案甚有當官之

稱  
**所歷有聲**  
盧奕懷慎之少子與其兄逸齊名開元中  
任京兆司錄叅軍天寶初為鄆縣令兵部

郎中所歷有聲  
皆如逸之所治  
**掌告身印**  
五代蕭愿性嗜酒無節職事  
弛慢為兵部尚書郎中日掌

告身  
**潘孟陽**  
公卿多父行  
擢兵部郎中  
**皆有美譽**  
陸象先弟景倩景  
融景獻景裔歷河

南令庫部郎中皆有美譽僧一行少時嘗與象先昆弟  
相善嘗謂人曰陸氏兄弟皆有才行古之荀陳無以加

也其為當時所  
稱如此舊史  
**拊床**  
舊史李靖為駕部  
負外郎事見床門  
**母戒**  
崔元暉為  
庫部負外

郎事見  
母門

以公事犯李巽

韓文胡珣碑尚書駕部郎中數  
以公事犯尚書李巽巽時主監

織事富驕恃  
勢以語宰相

使江東有功

同上路應碑為尚書職方郎  
中佐監鐵使使江東有功

刑部 五 事具司寇門

白秋官

尚書

大司寇亦  
曰秋卿

侍郎

小司寇

刑官

周禮

孔刑部

尚書一人侍郎一人掌律令刑灋徒隸按覆讞禁之政

凡物大獄以尚書侍郎與御史中丞大理卿為三司使志

郎中負外郎

掌律法按覆大理及天下

奏讞

龍朔二年改刑部曰司刑光宅元年改刑部曰秋

官天寶十一載改刑部曰司憲

同上

都官

掌俘隸簿錄給衣糧醫藥而理

其許免龍朔二年改都官曰司僕

### 比部

掌勾會內外賦歛經費俸祿公廩勲賜贖賸後課程逋欠之

物及軍資器械和糴屯收所入京師倉庫三月一比諸司諸使京都四時勾會於尚書省以後季勾前季諸州則歲終總勾馬龍朔二年改比部曰司計同上

### 司門

掌司闕出入之籍及關遺之物凡有召者降墨敕勅

銅魚木契然後入龍朔二年改曰司闕上

### 不習文

屈突通為刑部尚書自以不習文固辭

每覆

## 大獄必歛歛

劉祥道遷司刑太常伯每覆大獄必歛歛累嘆奏決日為再不食

案無留

## 辭

李適之遷刑部尚書喜賓客飲酒至斗餘不亂夜宴娛畫決事案無留辭

在朝堂流涕

倫

從狩奉天關捕罷為刑部尚書倫在朝堂流涕曰宰相無狀使天下至此不失為尚書後何勸開者憚其公

## 議姑償死

柳公綽為刑部尚書京兆人有姑鞭婦致死府斷以償死公綽議曰尊歐卑非關且其子

在以妻而戮母非教也竟減死出舊史

**侍郎缺宰相屢進名**

李道裕貞觀末為將作匠

有告張亮反者詔百官議皆言亮當誅獨道裕謂反形未具帝怒不暇省斬之歲餘刑部侍郎缺宰相屢進名不可帝曰朕得之矣是嘗議張亮者

**言佛骨**

韓愈遭刑部侍郎憲

頃時雖不從今尚悔之遂命道裕宗遣使者往鳳翔言佛骨入禁中三日乃送佛祠王公士人奔走膜唎至為夷法灼體膚委珍具騰沓繫路愈聞惡之乃上表以諫爭帝曰愈言我奉佛太過猶可至謂東漢奉佛以後天子咸天促言何惟刺耶貶潮州判

史 **哀彙敕令可用者**

劉球遭刑部侍郎乃哀彙敕令可用者由武德訖大中凡二千八百

六十五事類而拏之叅訂重輕號 **決剖如流** 王播進刑大中刑律統類以開家法推其詳

時天下多故大理議讞科條叢繁播悉置格 **惡緣黨人** 律坐隅商處輕重決剖如流吏不能窺其私

斥

白居易分司東都召拜刑部侍郎二李黨事與險刺乘之更相奪移進退毀譽若旦暮然楊虞卿與居易

姻家而善李宗閔居易惡緣黨人斥乃移還東都除太子賓客分司本傳

刑曹既清

美陟轉刑部侍

即時主計臣延齡以險刻貴倖而與京兆尹充相惡以危事中之充坐譴已又逮繫其吏峻絕之事下司寇主

奏議者欲文致而甘心馬公侃馬持平挂彼岳岳君子開之善知其道不私刑曹既清以餘刃兼領選事劉禹

錫奚公碑 倡飲省中

丹祖雍歷刑部侍郎倡飲省中為御史劾奏

滯郎位

蔣沈以刑部郎

中兼侍御史元載持政守道士類不遺沈以故滯郎位不得調袞代相聞士議恨沈屈故擢御史中丞元

積馮宿刑部郎中制

亞則失情緩則留獄深則礙繼則生姦維是四者持刑之難宰

畿甸

帝夏卿遷刑部負外郎時仍歲旱蝗詔以郎官宰畿甸受奉天令課第一改長安令

應得才



望

李林甫源乾曜執政乾曜子潔為林甫求司門郎中乾曜素薄之曰郎官應得才望哥奴豈郎中材邪哥

奴林甫

草冊

劉廸大曆中召拜司門負外郎德宗初進郭子儀為尚父時冊禮廢視詔文者不適

所宜宰相崔裕甫召廸至閣  
草之少選成文詞義典裁

温敏靜專

白居易王鎰刑部負外郎制刑

曹郎秩朕詔執事擇可以善於其職者而殿中侍御史王鎰自居殿中能察非決連鞠庶獄多叶平允加以温

敏靜專可當是選一歲之獄決  
在秋冬今方其時宜敬乃職

求郎之難豈敢輕易

書曰

庶獄庶事予罔敢知此乃周文王之所理天下也惟獄惟事會於南宮求郎之難豈敢輕易今者各有所授皆

為清秩杜牧刑部  
都官負外郎制

德宗欽其才

召拜比部負外郎武元衡  
比盤  
比部  
得廊

下食以飯從者  
號比盤國史補

工部六 事具司空門

白冬官

尚書

大司空亦曰冬卿

侍郎

小司空

孔工部尚書一人

侍郎一人掌山澤屯田工匠諸司公廨紙筆墨之事

百官

志

工部郎中負外郎

掌城池土木之工役程式同上

武德三年改起部

曰工部龍朔二年曰司平光宅元年曰冬官

同上屯田

天掌

下屯田及京文武職田諸司公廨田以品給馬同上

虞部

掌京都衙闕花園山澤草木及百官蕃客時蔬

薪炭供頓畋獵之事同上

水部

掌津濟船舶渠梁堤堰溝洫漁捕運漕碾碓之事同上

以工部

尚書持節

宗室高以工部尚書持節使吐蕃既還金城公主請明疆場石赤嶺土盟遂定還以奉使

有旨再  
遷吏部兄弟相代閣立本代立德為工部尚書今之尚

書漢公卿也

言動可否屬人耳目馬固不專率四屬程百工脩位於冬官而已白居易韋貫之工

部尚

書制以東宮恩拜侍郎

歸諫獻女

柳公權為侍郎召問得失因言郭收領邠

寧人謂獻二女乃有是除信乎帝曰女自參承太后豈

獻哉公權曰嫌疑間不可戶曉因引王珪諫廬陵王妃

事是日帝命中官自

於制兄弟不竝臺閣出為雲陽令

張文瓘再遷水部負外郎時兄弟為戶部侍郎於制兄弟不並臺閣出為雲陽令

入省不數省中

司門都官屯田虞部主客皆閑閑無事時

參參瑱府元結

進水部負外郎參參瑱府結

泣諫於玉階之下

蔣係轉工部負

外郎又遷本司郎中皆兼史職宰相宋申錫為北軍羅織罪在不測係與諫官崔元亮泣諫於玉階之下申錫方減死時

**固請開官侍養**

崔沔拜中書舍人時母疾在東都沔不忍捨之固請開官

以申侍養由是改

**辭控鶴之職**

舊史貞半十長安中五遷正諫大夫兼右控鶴

內供奉半千以控鶴之職古無其事又授斯任者率多輕薄非朝廷進德之選上疏請罷由是忤旨左遷水部

郎**以水曹郎處張籍**

白居易張籍制文教張則儒行顯王澤流則歌詩作若上以張教流

澤為意則服儒業詩者宜稍進之項籍自校秘文而訓國肖今又覆名揣稱以水曹郎處馬

**虞曹**

同上

李翱虞部郎中制虞曹郎缺命以序遷

**尚書**

七

白八座之尊

百揆之首

賈稱為尚書稱百揆之首

端右之職

王戎為尚

書稱端右之職

尚書兵

鮑永拜尚書僕射行大將軍事將兵集河東皂櫓稱鮑尚書兵也

尚書

履聲

鄭崇字子游數上諫嘗曳革履上笑曰我識鄭尚書履聲

白衣

後漢鄭均病章帝東巡幸均舍

勅賜尚書祿終身時人號曰白衣尚書

典樞機

張安世拜大司馬領尚書事典樞機

回車駕

陳嶠為尚書車駕卒至尚書門嶠跪曰陛下何之曰欲索行文書嶠曰此臣職分陛下不宜臨臣不稱職請黜

退帝慙回車駕

天子喉舌

後漢李固上書曰陛下有尚書猶天有北斗北天是天之喉舌尚書是天

子之就家

晉阮孚事見吏部門

賜劍

陳寵為尚書帝賜諸尚書劍署陳寵劍曰濟南推誠

言

應劭漢官儀曰尚書虞官也書曰龍汝納言帝命惟允

詔

漢明帝詔曰尚書蓋古之納言出納朕命

機事不密則害成可不慎歟

鍾離尚書

鍾離意為尚書匈奴羗胡歸義詔賜繅郎暨鄭詔以三百

為三十詔鞭之欲死意諫曰云云上曰非鍾離尚書朕擬降威於此耶

清哉

詔以贓物賜百官鍾離意

得珠玉獨委地不拜曰此贓污之物臣不敢受命曰清哉尚書以庫錢二十萬賜之

當垂拱之朝

居端右之職

郎官八

白星郎

仙郎臺郎

含香

含雞古香

握蘭

起草

錦帳

並見漢百官志

粉署

仙署

省上應列宿

仙省華省後漢館陶公主為子求郎光武不許賜錢十萬曰郎官上應列宿出宰百

里任非其人受其官

出宰百里

漢書郎署之官出宰百里

水鏡

樂廣為尚書郎何晏謂之

水鏡 雉集

蕭芝為尚書郎有雉數十恒集芝舍當直送至洛陽及應休飛迎上其車

三臺之妙

王諱除尚書郎習練國典三臺之妙

題柱

田鳳為郎容貌端正每入奏靈帝目送之題柱曰堂堂乎張京

兆田郎鳳字李宗

伏閣

馮豹為郎每奏事未報常休省閣或乃從昏至明天子默使小黃門持被蓋之

帝曰勿驚也

駐車待漏

樊梵字文濟為郎每欲奏事常駐車待漏魏舒為郎

非其人論者沙汰之舒曰我則其人襪被而歸

同舍償金

直不疑事見錯誤門避杖為郎

漢明帝性褊以事怒之菘乃走入床下帝引杖撞之曰郎出菘曰天子擿擿諸侯皇皇未聞人君以杖撞郎帝

乃止 解縛

韓宜字景仁為郎以事受罰文帝輦過問此誰縛曰尚書郎韓宜上念臨淄侯乃輕車解縛

白首

漢文帝時馮唐白首為郎帝問之曰臣三朝不遇

三朝不遇

見上十年無過

徐防性周慎在臺閣十年奏事無過  
**分曹**寓直**為郎**  
居列宿之位  
入粟

漢有入粟為郎  
**父任**張安世以父任為郎  
**三入承明廬**文選**建禮**漢官儀制尚書郎三

作文字起草更直於建禮門內懷香握蘭趨走於丹墀  
**青縑**漢官儀典職尚書郎給青縑白綾被或以

錦山郎  
漢楊惲為中郎將故事令郎出錢布市財用給文書乃出休名曰山郎注財用之所出故名曰

山郎終歲不得休而富郎邀遊於外惲乃罷山郎移吏度大司農給財用注摠計一歲所用移以官錢供不取

於**比秩**後漢和帝初令郎官詔除者得占丞郎以比秩為真也  
**直臺上**藥菘為郎家貧獨臺

上一無被枕食糟糠帝夜入臺見菘問其故甚嘉有此制大官賜尚書已下朝夕餐給惟被皂袍及侍吏二人

**交禮**晉職官志八座初拜皆泐其舊制並集都座交禮遷又解交馬  
**補缺**每一郎缺自試孝廉能給



文案者五人謹封  
奏其名以補之

郎選衰

射記漢武時入財者  
得補郎郎衰者也

內翰

九

知制誥侍講侍讀

孔學士之職本以文學言語備顧問出入侍從因得參

謀議納諫諍其禮尤寵而翰林院者待詔之所也

百官志

自太宗時名儒學士時時召以草制然猶未有名號乾

符以後始號北門學士

同上

明皇初置翰林待詔以張說

陸堅張九齡等為之掌四方表疏批答應和文章既而

又以中書務劇文書多壅滯乃選文學之士號翰林供

奉與集賢院學士分掌制詔書勅開元二十六年又改

翰林供奉為學士別置學士院專掌內命凡拜免將相

號令征伐皆用白麻其後選任益重而禮遇益親至號

為內相又以為天子私人凡充其職者無定負自諸曹尚書下至校書郎皆得與選

入院一歲則遷知制誥未知制誥者不作文書班次各以其官內宴則居宰相下一品上憲宗時又

置學士承旨唐文學士洪文集賢分隸中書門下省而翰林學士獨無所屬也顧問率

至夕段文昌為翰林學士遷中書舍人遂為承旨論書穆宗即位屢召入思政殿顧問率至夕乃出

詔勤杜元穎以右補闕為翰林學士敏文詞憲宗特所賞嘆吳元濟平論書詔勤遷司勳負外郎知制誥

多識朝章

穆宗以元顓多識朝章尤被寵拜中書舍人戶部侍郎為學士承旨

居翰林最

久

杜審權入翰林遷學士承旨居翰林最久終不漏禁近語

凡號令行下處事值機

無所遺筭

杜彥懿為翰林學士方闕東兵興調發綏徠書詔叢浩彙懿思精敏凡號令行下處事值

撰無所遺

辭不如旨

帝洪景以左補闕召為翰林學士蘇光榮為涇原節度使洪景當草

詔書辭不如旨罷學士

北門學士

劉禘之遷洪文館直學士上元中興元萬項等皆召入禁中論

次新書凡千餘篇高宗又密與參決時政以分宰相權時謂北門學士

八埽學士

李程召為翰林

學士入署常視日影為候程性懶日過八埽乃至時號八埽學士

學士院長叅天子密

議

沈傳師入翰林學士改中書舍人翰林缺承旨次當傳師穆宗欲面命辭曰學士院長叅天子密議次為

宰相臣自必知不能願治人一

### 弟兄踵召

吳通玄德宗立弟兄踵召

為翰林學士頃之通徵遷職方郎中通玄起居舍人並立制詰凡帝有譏述非通玄筆未嘗嫌與陸贄吉中孚帝執誼並位贄文高有謀特為帝器遇且險難有功通玄等特以東宮恩舊進昵而不禮見贄驟擢頗媚恨

### 制書職分宜歸中書舍人

陸贄自恃勁正屢短通玄於帝前欲斥遠之即建言承平

時工藝書畫之冗皆待詔翰林而無學士至德宗以來命集賢學士入禁中草書詔侍進止於翰林院因以名官今四方無事制書職分宜歸中書舍人請罷學士帝不許通元怨日結

### 求兼京兆戶曹

姜公

輔為翰林學士歲滿當遷尚書以母老賴祿而養求兼京兆戶曹參軍事

### 美哉斯言

李絳元和二年

授翰林學士俄知制誥帝嘗稱太宗玄宗之威朕不德欲庶幾二祖之道德風烈無愧謚號不為宗廟羞何行

而至此乎絳曰陛下誠能正身勵已尊道德遠邪佞每  
進忠直與大臣言敬而信無使小人參馬與賢者游親  
而禮無使不肖者與馬去官無益於治者則材能出斥  
宮女之希御者則怨曠銷將相擇士卒勇矣官師公吏  
治輯矣法令行而下不違教化篤而俗不遷如是可與  
祖宗合德號稱中興夫何遠之有言之不行無益也行  
之不至無益也帝曰美哉斯言朕將書諸紳郎詔絳與  
崔羣錢徽韋洪景白居易等搜次君臣成敗五十種為  
連屏帳

### 腹心之地

絳又數論宦官橫肆方鎮進獻等事  
自知言切且斥去悉取內署所上疏

藁焚之以俟命帝果怒絳謝曰陛下憐臣愚處之腹心  
之地而惜身不言乃臣負陛下若上犯聖顏旁忤青倖  
因而獲罪乃陛下負臣如是帝動容曰卿

### 常以輩行呼

而不名

陸贄入翰林年尚少以材幸太子常以輩行呼  
而不名在奉天朝夕進見終小心精潔未嘗有

過由是帝親倚至解衣衣之同類莫敢望雖外有宰相主大議而贊常居中參裁可否時號內相

**事情**

陸贄從狩奉天機務填總遠近調發奏請報下書詔日數百贄初若不經思遠成皆周盡事情衍繹

熟復人人可曉旁史承寫不給他數陳讜言崔羣遠輸學士筆閣不得下而贄沛然有餘

陳讜言憲宗嘉納因詔學士凡奏議待羣署乃得上羣以禁密之言人人當自陳一為故事後或有惡直醜正

則他學士不得上言韋澳進學士承旨與矣固辭見聽本傳

**夜被旨草詔**

韋澳進學士承旨與蕭真皆為宣宗禮遇

每二人直必偕召問政得失夜被旨草詔書事有不安者即遽延頭見帝開陳可否未嘗不順納一日召入屏

左右問曰朕於教使何如澳陳帝威制前世無比帝搖首曰未也策安出澳倉卒荅曰若謀之外建則大和事

可用追鑒不若就擇可任者與計事帝曰朕固行之矣自黃至綠至緋猶可衣紫即合為一矣澳愧汗不能對

乃父誠不得任近職

帝溫為翰林學士先是父綬在禁庭積憂病廢故誠溫不得任近職

至是固辭帝怒曰寧綬治命邪禮部侍郎崔彞曰溫用亂命益所以為孝帝意釋換知制誥

**不專取**

**辭藝**

帝貫之帝以段文昌張仲素為翰林學士貫之謂學士所以脩顧問不專取辭藝奏罷之

**蜀纘**

**袍**

帝綬為翰林學士密政多所叅違帝嘗幸其院韋妃從會綬方寢學士鄭綱欲馳告之帝不許時大寒以

妃蜀纘袍覆而去其侍遇如此

**金蓮炬**

令狐絢入翰林為學士他夜召與論人間疾苦帝出金鑑書曰

太宗所著也卿為我舉其要絢摘語曰至治未嘗任不肖至亂未嘗任賢任賢享天下之福任不肖懼天下之

禍帝曰善又夜對禁中燭盡帝以乘輿金蓮華炬送還院吏望見以為天子來絢至皆驚

**帝稱其長**

**者**

錢徽為翰林學士三遷中書舍人加承旨憲宗嘗獨召徽從容言他學士皆高選宜預聞機密廣叅決帝

稱其長者**諫無名貢**

是時內積財國復河湟然禁無名貢獻而至于者不甚却徽慙諫罷之帝密戒後

有獻毋入右銀臺門以避學士梁守謙為院使見徽批監軍表語簡約嘆曰一字可益耶銜之以論淮西事罷

**學士缺人爭薦丞相所善者**

韋表微俄為翰林學士是時李紳忤宰相貶端州龐

叢蔣防皆謫去學士缺人人爭薦丞相所善者表微獨薦韋處厚後與處厚識增選學士復薦路隋處厚以諸

父事表微因曰隋位崇入且居翁右柰何荅曰選德進賢初不計私也

**武宗賜以宮錦德**

**裕贈以玉帶**

封教會昌初以左司員外郎召為翰林學士教屬辭瞻敏不為奇蒞語切而理勝武

宗使作詔書慰邊將傷瘵者曰傷居爾體痛在朕躬帝善其如意出賜以宮錦劉摯平李德裕以定策功進太尉時教革其制曰謀皆予同言不他惑德裕以能明專任己以成功謂教曰陸生根文不逮意如君此等語豈



易得邪解所賜玉帶贈之

近世學士超省郎進官者惟鄭顥以尚主

而璩以寵升云

高璩以拾遺為翰林學士近世學士超省郎進官者惟鄭顥以尚主而璩以寵

升詔假光宅里官第

王涯再為翰林學士涯文有雅思永貞元和間訓誥溫麗多所藁定

帝以其孤進自樹立數訪遠以私居遠或詔不時至詔假光宅里官第諸學士莫敢望

凡號令大

典冊皆更其手

李德裕穆宗即位擢翰林學士帝為太子時已聞父吉甫名由是顧德裕厚凡

號令大典冊皆更其手數召見賚獎優華

三俊

李紳為翰林學士與德裕元稹同時號三俊

捉筆

遽成辭皆允切

劉球大中初擢翰林學士宣宗始復閣隴裁處叢策書詔夜數十捉筆遽成辭

皆允頗牧在禁中

畢誠召入翰林為學士光項擾河西宣宗嘗召訪邊事誠援循古今條破

老狀甚恚帝悅曰吾將擇能帥者孰謂一時書命同僚  
頗牧在禁中署卿為朕行乎誠唯唯

自以為不及

陸辰累進翰林學士中書舍人辰工屬辭敏速若注村然一時書命同僚自以為不

及昭宗優遇之帝嘗作賦詔學士皆和辰獨先就帝覽之嘆曰貞元時陸贄兵通玄兄弟善內庭文書後無繼

者今朕得之

腕可斷麻不可草

韓偓為翰林學士宰相韋貽範母喪詔還位學士使馬從

皓逼偓求草制偓曰腕可斷麻不可草從皓曰君求死邪偓曰吾職內署可然乎明日百官至而麻不出官侍

合譟茂貞入見帝曰命宰相而學士不草麻非反邪艱然出帝畏茂貞卒詔貽範還相

成文粲然

鄭畋入翰林為學士俄知制誥會討徐州賊龐勛書詔紛委畋畋思不淹暨成文粲然無不機要當時推之掌

書王命

白居易馮宿知制誥制吾聞武德暨開元中有顏師古陳叔達蘇頌稱大手筆掌書王命故一

朝言語煥成文章朕承祖宗思濟其美馮宿為文甚正  
而我誥命忽思潤色之聽諸人言曰宿也可勉繼顏陳  
無辱崔元翰知制誥訓辭溫厚有  
吾舉訓辭溫厚有典誥風典誥風然性剛褊不能取容

于時孤特自恃掌費至拜起居舍人知制誥  
誥凡再期不遷父子繼美帝傳位至當讓冊既進葉

帝曰昔先天誥命乃父為之辭今茲命冊又爾為之  
兩朝盛典出卿家父子可謂繼美至頓首鳴咽流涕對

### 掌書命

蘇頌陸象先致紫微侍郎未嘗補朕思其人無  
易卿者頌頓首謝明日加知制誥給政事食給

食自頌始時李又對掌書命帝曰前世李嶠蘇  
味道文擅當時今朕得頌與又何愧前人哉  
上疏極

### 諫

蘇源明擢考功郎中知制誥史思明陷洛陽有詔幸  
東都將親征源明因上疏極諫其不可者十臣聞子

不諫於父不孝也臣不諫於君不忠也不孝不忠苟榮  
冒祿園宰之物不若也臣雖至賤不能委身園宰之中

將使樵夫指而笑  
翰林侍講崔卽拜翰林侍講學士謝  
之帝遂罷東幸

不一問經義臣無功不足副厚恩帝慙曰朕少間當請  
益高鉞適在旁因言陛下樂善而無所諮詢天下之人

不知有向儒意帝  
稗擷經史為要錄鄭澣本名涵入翰林為侍講學士帝

重咎謝咸賜錦幣  
使稗擷經史為要錄愛其博而精試  
每以厚風俗黜朋

比為天子言鄭車為侍講每以厚風俗黜  
朋比為天子言之故終為相

裕自侍請為中丞文宗難其代元裕表  
言兄少逸才可任因以命之世榮其遷  
迎以師禮馬懷素玄

宗詔與褚無量同為侍讀更日番入既叩閣肩與以  
進或行在遠聽乘馬宮中每宴見帝目送迎以師禮問

闡何人許康佐為翰林侍講學士與王起皆為文宗寵  
禮帝請春秋至闡殺吳子餘祭問闡何人邪康

佐以中官方強不敢對帝嘻笑罷後勸書蓬萊殿召李  
訓問之對曰古閹寺今宦人也君不近刑臣以為輕死  
之道孔子書之以為戒帝曰朕遇刑臣多矣得不慮哉  
訓曰列聖知而不能遠惡而不能去陛下念之宗廟之  
福也於是內謀翦除矣  
唐故事學士草制有所改者當  
康佐知帝指因辭疾

罷職

崔稅初稅為學士常草制為宰相桑維翰所改稅  
以唐故事學士草制有所改者當罷職乃引經據

爭之維翰頗  
不樂五代史

翱翔禁闈出入諷議

杜牧蘇

兼京兆戶曹

白居易為翰林學士初歲滿當遷帝以資淺且家素貧  
聽自擇官居易請如姜公翰以學士兼京兆戶曹參軍  
以便養  
元稹翰林制  
使吾言語文章與三代同風引之  
詔可  
而成綸綉垂之而為典訓白居易

白孔六帖卷七十二